

兩浙輶軒續錄

兩浙輶軒續錄卷三十一目

沈拱辰 汪霏原 袁應城 沈德謙 陳希敬

任 注 張福厚 李品芳 葛雲飛 邵 綸

爰慶源 陳 砥 沈張洲 楊家龍 沈道腴

陳鴻誥 俞長垣 俞 銓 費丹旭 戴 芬

周世緒 楊 鎮 董 杰 丁文炳 錢豫豐

黃 育 張作楫 鄭文琅 王 鈺 曾佩雲

胡 珽 姚光晉 董師雍 朱 蔚 楊逢時

董 灼 程德賢 朱世杰 許之瑞 陳裴之

汪秉健 許惇詩 王 埴 朱 英 沈愛護

陳若蘭 孔憲采 高蘭會 章 藩 王宗植

鄭傳鈺 陳元瑜 阮雲瀾 曹 薰 方驥才

兩浙輶軒續錄

卷三十一目

徐一騏 王治模 孫蒙 查人漢 羅以智

勞宗煥 沈淮 吳汝雯 丁虹文 王本梧

吳觀光 葉敬 張英元 諸葛槐 徐清翰

潘宗澗 曾璫 丁鍾英 色布星額 顧培

金藹 吳康圻 魏謙升 李光彝 吳昌海

吳懋芝 周樽元 朱昌豫 張金鈞 茹龍

王宗耀 魯杏秀 沈光埏 朱彰

兩浙輶軒續錄卷三十一

督學使者潘衍桐訂

沈拱辰

字蓮叔錢塘入道光癸未進士官長蘆鹽運使著竹如意齋詩稿

丁申曰蓮叔才情恣肆文筆華美由庶常改戶曹出爲河庫道擢兩淮漕使調山東繼又視鹺長蘆剔弊整綱商民稱便

南屏看紅葉用樊榭韻

又催雙槩出煙汀
秋晚林塘客乍經
歸塔也隨霜樹醉
歸潮不隔海天青
鷗邊霽色推篷見
雁外寒聲倚枕聽
輸與故鄉尊酒伴
獨扶吟杖看南屏

酬鄒蓉閣

客邸官衙咫尺連
雁行與我共周旋
儻來富貴休言命
最好聲名不愛錢
白水盟心交本澹
青雲託足路無偏
驂騑自具權奇格
縱遇孫陽肯乞憐

汪霽原 字沛甘仁和人道光癸未進士官湖南衡山知縣

秋夜臨江望月有作

極目滄江外雙門鎖碧流飽看龕赭月照徹海天秋絕巘遙

嵐淨圓輪倒影浮蓬壺仙闕近好策六鼇遊

袁應城 字藍田號少蘭新城人道光癸未進士官紹興教授

杭郡詩三輯少蘭成進士後宰江南溧水調蕭縣嘗謂作令無才作孽最易改教就閒以期無過教授婺郡終

學於越

山齋卽景

何處桃源客天然此卜居筆峰留擁石池墨憶吞魚酌酒調

清瑟挑燈讀異書春花秋月夜登眺復何如

沈 濂 字景周號蓮溪秀水人道光癸未進士官江蘇淮徐道署蓮溪吟稿八卷續刻三卷

府志濂早失怙大父范孫造就濂學成進士籤分刑部主事升員外郎轉郎中出守鎮江五年報最陞署淮徐

道鋤奸擊暴著有威名咸豐紀元

豐北洪口留工効力役竣假歸

錢泰吉序畧蓮溪少工四書文既登高第敷歷中外三

十年名益重詩則以餘力為之時出一篇輒壓曹偶又

其所著懷小編博覽經籍實事求是其

辨證精密與唐宋雜考之書足以抗行

吟誦詩不摹擬前人而思筆超雋迥軼凡近

苦雨

去年夏大水積滂民怨咨田廬淹澤國老弱困轉移竭蹶以

勸分迄未平瘡痍今春江水至瀾瀾盈川陂及茲又恆雨陰

蕪開無時我讀洪範傳事乖天象垂慙愧守此土寬懈職不

治惠不逮黎庶罰不威匪彝稟彊鉏未盡寇盜潛蔓滋積愆

致疹戾悔禍曷可追哀哀彼婦孺嗷嗷常苦飢屋破難庇雨

衣敗不掩肌憔悴命向盡重傷如何支涕泗告天地瘵官實

有之願叢一身責毋苦窮黎為

漫作四首

洪荒萬萬古百年馳颺輪乃追無盡欲悅此須與身少壯去
飄忽今春非舊春利名殉尺寸後人踵前人所以古達士高
蹈辭風塵長天雲卷舒深潭水淵淪空虛無一物頗足怡吾
神

立功在天地鴻名亙千古運會使之然其事不自主我願畢
我生有求不我拒人人慰厥意物物安其所人生有職業未
敢謝勞苦但可役手足而不愁肺腑此願諒非奢造物儻吾
許

倉頡昔造字羣鬼夜哭之文字有何罪是非由此滋或于千
載上誇美張虛詞或于千載下追論索瘢疵空虛爭子奪人
鬼交詆謔快哉付一炬孰云祖龍癡

造物巧弄人布置周且密不論聖與凡束之莫能出書生汝
何能閉門自搖筆雕鏤窮物情天巧破一一謂天必汝貫淋
漓恣蕩伏困汝天無言槁餓一生畢任汝連蹇中伸眉氣律
舉

維揚道中

柔櫓伊鴉急上灘收身差覺小舟寬江頭纖月俯思拾林表
晚霞明可餐扇欲辭勞秋未到枕雖高卧夢難安羸官五載
垂垂老神武何人早挂冠

遣家屬南歸

行矣全家還里閨異鄉何似故鄉安定知此別無多日莫信
他時尙有官寂寞登程童僕嬾辛勤犯暑道途難若爲料理
邱爲宅須讓三分水竹寬

陳希敬 字笠雨海鹽人道光癸未進士官

縣志希敬少好學研究經史及官金壇江陰等縣嚴於
剔弊書吏憚之後擢知深州有能聲咸豐三年賊犯畿
輔時承平久倉猝聞警民無固志希敬喟然曰事不可
為惟一死以報

國耳城陷希敬危坐
堂皇罵賊被戕

揚州感舊

十二回闌廿四橋舊遊無處不魂銷
煙花杜牧三生夢春水
邗江兩岸潮畫舫月明曾載酒
珠樓秋冷罷吹簫可憐一種
隋隄柳搖落長條復短條

桃花塢唐六如故宅

披猖詩酒送生涯手植東風曲塢霞曠代逸才淪草莽
文人薄命似桃花參來白骨禪中案老去青山畫裏家
更向橫塘按墓碣數株弱柳不勝雅

任 注 字淵甫蕭山人道光癸未進士官山東德平知縣箬求是居詩藁

謝公墩

安石竟不出東山足臥遊中年多感慨老輩亦風流屐印荒

苔古棋聲別墅秋莫爭墩姓字明月尚悠悠

張福厚

字念蓋餘姚人道光癸未進士官至丙閣侍讀學士著梨花小閣詩文合藁

施繼常曰先生祖潛亭先生任於潛教諭時浙江采辦遺書嘗充總局檢校及保舉知縣赴都給助教銜充四庫館分校官故先生之學亦具有淵源焉

題洪溥泉 光屋 小眉山館詩集

樂天崇六義古法至今垂偽體何須斥元音只獨師情真文

自樸語淡趣偏奇一瓣香猶在非公孰奉之

我闕窮工論心怡句自佳兒孫如立竹門第欲栽槐老至增

豪興吟多愜雅懷詩壇人共數清福有誰儕

李品芳

字春舉晚號淡翁東陽人道光癸未進士官至內閣學士光緒己卯重赴鹿鳴宴

家傳略公由編修送司文衡不十年至閣學癸卯丁外艱回籍即陳情養母不復出急流勇退人也

江水來

辛卯奉使滇南道經湖北即日賦此

江水來轟轟隱隱聲如雷三更下牀水沒足驚呼大水已入屋東鄰西鄰逐波走速攜我雛扶我窆天昏地暗欲何之一綫隄痕在江口大舟檣連雲號呼乞救如不聞小舟若蟻附手無一錢那肯渡眼看性命逐魚鼈打頭黑雨猶未住茫茫一片何處行沿途借問荊州城傳言荊州水亦大如此日高亭午城未啟

題夏忠愍磨崖碑墨搨

碑在雲南府城圓通觀螺峯上

寺古亭危石徑斜螺峯題句照昆華八千里外留遺蹟二百年前紀使槎不信香冠能忤主未須銀印更傳家西風爰鶴

餘憑弔手揭殘碑潤墨花

燕子洞

在雲南
阿迷州

响叮西行百餘里亂山參錯絢紅紫頗聞此地有洞天鑿險
絕幽不容止坡陀複沓仍崎嶇我馬旣瘖僕亦痛疏林隱約
見蘭若眼前突兀開仙都磴道俯行百餘級天風泠泠暗相
襲雲斤月斧錐斲成千尺穹廬忽壁立就中石乳垂紛綸流
蘇瓔珞百寶陳迸裂雲根出怪物鐫鑿石罅蹲天神龍頭菌
蠢獸睥睨眾鳥跂翼魚曝鱗蛟螭剝腹割摩豁蠅蝮撐腰兀
嶙峋高建旗能卓五丈廣坐眾可容千人傍通小徑闢巖戶
宛如曲室附堂廡藤蘿夭矯垂若簾仙人之宮祇環堵對面
潺潺鱗一溪巖竅玲瓏不容數燕子年年自去來繚曲幽深
此樂土我走西南萬里遙奇山異水投詩瓢及茲戀戀未忍

去一枝恨不棲鶴鵲翩翩繞身白蝙蝠得無山靈相招邀乃知奇境天所祕何哉特優松與喬

灕陽江舟行

舟發灕陽磯兩岸積岡阜逶迤展屈曲夾持互左右沙礫所委輸奔湍挾之走一重復一掩灘名記某某水怒石能言石立水先吼大者如困倉小者爲升斗或錯若狼牙或張若虎口蹲若鷹在鞞伏若龜壓紐俯若牛服軛仰若馬驤首參差儼離立突兀相人偶一船行其閒望風先抖擻勇難鼂策六重孰鼎移九淩亂雜篙楫喧呼競童窆其濟同瓦全暫失各瓜剖當其努力時恨不百身手驟焉箭離筈若然戶脫牡入險又出險且得釋重負每思濬鑿宜旣而曰否否地如高建瓴水曷孚盈缶灘淺資艮限潭深賴咸受倘若盡疏通一瀉

復何有尋繹倚船窗來往何紛糾理權甫安行前灘亦已陡
終日戒衣裯世路安可苟

節烈吟爲王孺人作

沈勛齋學博兆蓉之妻杭州人也

節義重如山性命一鴻毛臨難毋苟免見此巾幗豪烈烈王
孺人門第琅邪高來嬪吳興沈蘋藻手自筆夫子縣博士妃
亦一命叨倉猝劇盜至飛渡錢江濤黯淡蕭然山狼豕恣狂
嗥士女紛竄匿逃威嚇且號中有鐵立人慷慨誓不撓婢媼
盡揮斥吾義無可逃禴翟何煌煌肯爲狂賊弑一寸不死心
浩氣凌風翔咄哉貔虎士胡不一戰塵折首獲其醜駱驛鐘
賊濠徒令沈夫子先笑後號咷以茲伉儷恩感激寄風騷志
節亦何限埋沒半蓬蒿安得采風使一一蒙

旌褒

葛雲飛

字雨田山陰人道光癸未武進士官至定海鎮總兵在任陣亡

郵贈提督謚壯節

先正事略道光二十年英人據定海公方居父憂督耕隴上巡撫要公計防禦公得書白母遂行至鎮海請盡出兵扼鄭公國鴻鎮定海公議築城三面為屏蔽常事以錫朋鄭公國鴻鎮定海公議築城三面為屏蔽常事以費鉅不允行七月賊集廈門賊大府陳戰備皆不省八月復犯定海請濟師弗許戒死守無望援天雨狹旬公與士卒往來霍潦中屢戰卻敵會天大霧賊殊死進公斬賊酋長刀折拔佩刀二方仰登賊刀劈公面去其半血淋漓猶鏖戰忽飛砲洞公胸穴如盃死之麾下徐保夜迹公屍吃然立崖石下兩手握刀堅不可解左一目猶啖啖如生欲負之行不能起拜而視曰盍歸見大夫人乎遂行乘夜內渡歸葬著水師緝捕管見十六卷全浙沿海險要

圖說入卷

緝雅堂詩話葛壯節公以儒將歷著奇功竟樹大節實為兩浙屈指可數人物公有四自傷詩云馬不嘶風

劍不鳴等間已老健兒身近來不敢窺明鏡恐照頭顱

白髮新足與岳忠武滿江紅詞莫等閒白了少年頭句

輝映千古或病其真庚通叶不無可議余謂公詩

皆稟兩間浩氣流溢楮墨固不必拘拘于律切也

寶刀歌 製佩刀二一日成

一日照勇歌以識之

快逾風亮奪雪恨斬佞人頭渴飲仇人血有時上馬殺賊賊
膽裂滅此朝食氣烈烈吁嗟乎男兒自處一片心腸熱

乙酉十月甬川需次偕王君立泉謁張忠烈祠

尺土已非明社稷孤臣猶擁漢旌旗回天赤手功難濟貫日
精誠志不移東海獨持蘇武節西山恥食首陽薇興亡一局
長遺恨故國空勞望鶴歸

喜聞張格爾就擒

十萬橫磨出井陘先聲到處靖邊塵旌旗一面開天網鼓角
三通掃虜廷塞外乍聞兵血刃關中已報敵成擒百年逋寇
斯須盡方識天心卽

帝心

邵

綸

字子香錢塘增生

杭郡詩三輯于香長于詞賦胡
書農學士最賞之又精繪事

趙忠毅鐵如意歌

豐隆熾炭開洪鑪金精鍊出青珊瑚支離蝟肆質奇古把握
合付神仙徒竹根白玉紛可棄從空斫下驪龍臂高齋對客
任指揮錫名應得如人意偉哉忠毅人中龍清談四座欽英
風手提三尺鐵如意氣象奚止傾王公我聞處仲酒酣氣決
烈一曲悲歌唾壺缺又聞金谷主人情性豪椎珠擊玉驚兒
曹何如我公意坦適手麾屢建安全策羽扇武鄉侯揮塵謝
安石非公雅量疇其匹卽今此器落人閒我公已去不復還
幾向平沙拭泥滓幾從流水瀉潺湲鐵乎鐵乎世雖隔豈是
公肝勁公魄英英精氣百不磨異彩爛爛土花碧

爰慶源

字積堂錢塘諸生著
小粟山房集十卷

葉紹本序畧我友及君積堂少辨四聲長通五際其
詩根本於天性取藉於羣籍風力丹采兩兼之已
郭慶序畧余在武林與諸君訂交余年最長次則
曼生積堂爲最少其詩日進而失志之賦爲多
瀛舟筆談積堂恂少年顧影偶語
有洗馬清羸之疾詩亦婉約風流

翠螺杯

海上攜歸斗槎客巧謝雕鏤供几席拍浮乍熟竹葉春色與
旋文同一碧君不見吳氏百八中一卮形模彷彿器是甃又
不見尹公綠野曾傳飲容受盈盈愁倍之金叵羅銀鑿落只
奉豪華樂復樂何如此瓊等一蕉卻稱花前開小酌春山翠
影從中參擁髻無語人先酣君量莫測吾肯下請君更出大
小雅

讀黃梨洲先生文集

九死東南多難日百年匡海老完人悲歌擊筑謝皋羽空谷

逃名鄭子真導水導山崇正學誅姦誅逆泣悲臣淒其最是
慈闈語滂母章妻萃一身

訪元信使郝伯常被留真州忠勇軍營故處

玉帛來南國春秋在北方兩朝違信義孤客託文章季子還
何日蘇卿老此鄉歸鴻空繫帛只坐退飛堂

蔣伯生大令

因培

以岱頂重獲秦石刻殘字搨本裝池

成冊屬題卽次冊中李蘭卿太守韻兼寄蘭卿閩中
岱頂石出先秦年蔣侯乃有金石綠玉女池螿偶重獲古篆
十字留真詮史文異同資攷證遠黎聽體載簡編汶陽劉歧
舊作譜雖有殘闕文猶傳四十八字歐著錄餘者過眼如雲
煙同春僅存劉記半剝蝕早見元明前贖字廿九北平得碧
霞嵌置星辰躔躔匾不作此最古雖非完璧喜欲顛祖龍法

物忽一炬劫餘石尚沈諸淵從此翳然隱榛莽蔣侯見之誰
爲先磨崖碑旁重位置真刻僅存相周旋斯臣去疾昧死請
銀鈎鐵畫欣摩研季子之碑名敢竝輕重那復量斤權琅琊
臺石周石鼓與此鼎足註鄭箋臣斯直可繼史籀川流山峙
神騰騫蔣侯聞名過州載灌夫之狂差隨肩相逢河上出此
眎嵯峨文字宜金填嶧山之采早見佚獨餘斯篆形蜿蜒我
詩自媿如鳴蚓小言妄貢徒萋萋何時排雲登日觀抉剔片
石親椎羶山靈不閱此奇異疏星爛爛光麗天海嶠倘同結
遐想訪碑夢入天門邊

吳仲雲觀察招集南藤廳事賞雪譚詩酒半出花宜館
輯詩圖命題率書圖後

祖庭繼述選樓開重向枌榆搜輯來北郭西冷徵逸事寒郊

瘦島總仙才敬鄉有錄承家學收暴同功正體裁雪屋譚深
文宴樂一時枯朽盡春回

陳 岷 字石民海甯歲貢

許雉祥曰石民先生性好遊橐筆走天下元瑜入幕名噪公卿在京師館全小汀相國邸第最久工書求者輒踰八十重游泮水鄉國耆英允推人瑞

自玉門至蘭州

落日瓜州道風沙擁客程馳驅過紫塞蕃庶語紅城雪嶺排
銀出冰橋碾玉行皋蘭山在望卻羨五泉清

雄縣旅次

燕南趙北路迢遙策馬來過十二橋木葉打頭隨處落野花
經眼可憐嬌離愁似月宵常滿客鬢成霜煖不消買得尺鱗
拚一醉趁他茅店酒旗招

桐江舟次

此行殊不惡一路飽看山螺髻煙痕活蛾眉翠影環花枝爭
嫵媚鶯語任閒關望望嚴陵瀨高風不可攀

沈張洲

字滌齋號伊岫海甯諸生著三海十二山草堂詩鈔

初春感懷

百丈銀溝動海濱關心世事欲沾巾年荒酒薄難成醉地僻
花稀未是春敢道救時無管樂誰能杖策走恩循閒愁老去
應拋卻何處林泉著此身

楊家龍

字雨蒼號雲垞又號大滌山人餘杭恩貢著浣雲樓詩集

杭郡詩續輯雲垞別著有浣雲樓文集十六卷雲垞詩話二十四卷春雨草堂解經錄八卷天倫樂事集八卷

幻住庵

在餘杭縣治北四十五里黃湖鎮

祇庵稱幻住寶騎控晴郊曲徑隨雲入疎鐘間竹敲風旛懸

座側山翠撲堂坳聽法行歸晚藤蘿月滿梢

皆蘭社懷古示兒行儉行簡

社在縣治東南三里山西園鮑氏懷謝山房

燕脂橋畔鳴頭波尙有積垣隱綠蘿擬向西園談往事山房

懷謝繫情多

沈道腴

字澹庵嘉興人著樹樹軒詩鈔

于源曰樹樹佛家名無患木夏秋結實爲菩提子梅里舊有一本枝幹扶疎數百年物也沈丈築室其下豪邁

自喜詩如其人
工畫尤善鐵筆

幽居

暑老梧桐雨秋生蘆荻風重簾浮淨碧小圃瘦疎紅野水到

門細湖亭隔岸通鄰翁如過我閒語莫怱怱

曉坐水軒

亂雲宿古樹幽夢破春禽竹樹滌塵腑蘭香發苦吟日遲知

晝永徑僻抵山深忽聽泠泠水如聞太古音

陳鴻誥

字曼壽秀水諸生著味某華館詩集

于源序畧曼壽弱歲便喜為詩尤長於古體兼嗜金石文字隸篆八分皆有法度一室之間墳典參錯鼎彝辨剝暇則與吟朋酒友高吟細詠不知有門以外事

謁范蠡祠

春風健游屐滿城穠桃李朋儕打門來邀往陶朱里一徑入幽深花木隱窗几大夫曠世才醫國擅神技功名甘逃移家五湖裏種竹更養魚小事精料理迄今溯芳徽令人動遐企茶煙淡無痕水波清見底坐久塵慮空夕陽上堦屺妝臺何處尋拍拍沙鷗起

與鶴汀公壽踏月登峴山

林月已東生游屐尙未倦相將登峴首各趁腰腳健松杉列

無次一徑踏荒蔓清宵景更佳訪古恣留戀佛燈昏一星怪
石橫幾片浮生寄宇宙歲月等泡電古人不我欺秉燭固素
願姮娥況多情清光滿曲澗徘徊石磴旁微露溼衣緣遙望
隔湖山烟鬟若隱見

俞長垣

字薇香平湖歲貢著洪濱詩草

縣志長垣工詩文所作議論縱橫獨抒心得不拾人牙慧

臨平早行

遠水忽生白中流一棹孤亂山青未了曉月淡於無客夢尋
衾枕炊煙起荻蘆參寥師已邈莫問藕花圖

俞

銓字芷衫平湖人箸蹶澤集六卷

朱王林序畧吾友芷衫少孤熒好讀書浸淫探討務窮其蘊所為詩歌皆能鎔液古人菁英歸其鑪鞴一代傳人可無愧已

放歌四首

朱槿花朝開暮落隨風沙青松樹五粒蒼蒼耐寒暑物生壽命何不齊皇天雨露甯有私昨看湘燕引雛入今見慈烏反哺歸無知之物尙如此我獨何辜作孤子已焉哉茹荼集蓼甘可憐此苦忍之三十年

朱槿悲少孤也

青青復青青幽蘭當戶生一枝飄落隨黃土兩枝兀立爭敷榮列缺飛天雷雨疾一枝更被闌風折孤葩獨秀不成春嗟予同父今何人已焉哉池塘春草女須石相思唯見苔花碧

幽蘭閨同氣也

鴟鴞鴟鴞飛且鳴弋人怒之中以槍豈無鷓鴣與鷺鷥嗟爾奈何獨爲惡吁嗟何獨鴟鴞然榆枋斥鷃都可憐梧桐有枝竹有實我復見此不可得已焉哉桑田滄海安足論昔年峻

宇今空村

鴉鴉愧不能亢宗也

我有一頃田栽作禾與黍割禾輸官租刈黍活兒女前年舊

年秋大無輸官脫卻身上襦天風更吹茅屋破牀牀溼漏不

能臥已焉哉今年暘雨休更愆安當辟穀從喬佺

禾黍憂無以治生也

送時秋鶴權司訓餘杭

送君抱琴去吟徧禹杭山古洞尋丹竈仙蹤猶可攀旅程秋

色裏官舍白雲閒陋巷同居者而今獨掩關

舟泊大乘寺

蕭寺何年建扁舟溯此方溪寒魚翠落林靜貝多香幾處積

殘雪一僧耕夕陽今宵聆妙梵疲臥悔津梁

小憩理安寺復遊虎跑

不飲虎跑水安知武林泉不到理安寺休說武林山二者得

兼吾所欲芒屨遍踏南山麓連峯怪樹挺奇古夾礪新茶浮
嫩綠前由煙霞後石屋洞口千巖落飛瀑招提高閣凌松巔
四壁危峯罨深谷白雲霏微滿窗牖盡日登臨攬不足爾足
更覓山中僧松柴活火烹寒玉西江之水一口吸對茲不啻
涎垂麴歸途寂歷風篁聲山芬沁入詩脾清何當借此結茅
屋枕流漱石終餘生

費丹旭 字子茗號曉樓烏程人著依舊草堂遺稿

府志丹旭天資穎異工畫人物兼善山水亦能詩詞曹籀序畧曉樓有畫名乞者無虛日未暇為詩也然或游覽所及詩興勃發得意疾書亦斐然可觀

客窗雨夜寄子復

頻年作客感羈留亦有詩情懶唱酬繞屋雲山空入夢打窗
風雨不宜秋已遲識面償前約 君與劍秋小米神 肯少留題

負此游料得吟邊簾怕卷紛紛黃葉滿溪樓

題扇

追涼信有水雲窩十畝芳塘盡種荷冰簟竹牀隨意坐不知
何處晚風多

秋風蕭蕭月滿船歸來沈醉夜不眠短笛一聲起何處白鷗
飛破蘆花煙

竹裏煎茶

茫茫塵海中渺渺煙波曲獨以船為家一竿寄高躅日與鷗
鷺盟不知歲時促先生真隱流童婢亦仙屬隔竹聽瓶笙山
泉煮初熟霏微一縷煙搖颺干个綠

戴

芬

字駿伯號清來德清諸生著重蔭樓詩集

感逝集詩錄清來為銅士長子銅士生三子皆慧能詩汪謝城為編刻戴氏三俊集

蓮花莊

投老原宜住豔園求賢未許戀菡蘆竹枝橫卷淩霜節也入
新朝御覽無

漁歌未歇又蓮歌先占秋涼一味多安置苔封三品石爛斑
無補舊山河

月夜泛舟

雙槩疾於鳥晚煙生處行水明知月出舟穩覺潮平樹影中
流動漁歌別浦清卻愁飛棹去驚散白鷗盟

雜詩

讀書貴得間往往有心得賢者短勿護不肖善勿匿曹瞞誅
橋公情文何悱惻賊檣頌伯夷許身幾禹稷伏處未得志堅
守名教域誠使充其量名臣必利國惜哉負蒼生青史頓滅

色或功過參半畏名勉修慝或熱中念縈初心不復憶陳編
一摩抄拊膺三太息吾人伏牖下素躬當自飭卽或泉出山
不隨徑轉側所難晚節全此賞具卓識恆河幾度沙老僧占
定力

弁山項王祠

蒼弁青如削叢祠何代成雲舍不平氣風作奈何聲古澗英
雄淚陰崖草木兵長陵一抔土應亦蔓荒荆

移居

一椽幸遠市塵譁葉葉菰蒲弄影斜卻喜門開先見水畧嫌
庭小少栽花湖山難得逢新主風月從今屬我家畢竟梁鴻
猶賃廡敢將煙景向人誇

題三第詩稿

八歲耽吟詠清新頗足觀莫爲無本學須識作詩難姜被寒
初減荆花秀可餐塗鴉吾已久爲爾辨鹹酸

述懷

記得前身是蠹魚餐經結習似當初曾蒙前輩誇同調慙對
旁人說讀書綺歲才華如日出腐儒門第稱山居青衫抖擻
風塵裏狂態全除俗未除

明司寇若溪顧公祠

清流不肯附權門遺像今瞻下若村兩撫蠻荒隆物望一官
南北總君恩歸巡白水鷗盟在老住青山鶴髮尊不獨斜陽
照祠宇鬚眉猶有畫圖存

莒城同知行

同知牟公名魯烏程人明洪武三年青州民孫古樸

等為亂襲州城執公欲降之公諭以禍福賊未敢害

公擁至城南鄒家莊大罵遂見殺

世人談忠義聽我歌牟公勝國事往成飄風凜凜生氣今昔

同生為人傑死鬼雄解一公官不及二千石斗大孤城復嚴邑

同時高冠何岌岌肉食誰與共緩急吁嗟雞羣鶴孤立解二海

島孫恩長嘯起露刃脅降事亟矣鬚眉戟張血濺齒大義從

容諭賊子我守土臣義當死所惜一郡良民耳解三王師剋日

殲渠魁爾曹旦夕成死灰執迷徒貽身首災義憤所向賊勢

摧劔刃擁公城南來解四公也裂眦色愈厲孤城捐軀即此際

望賊自新寓激勵繼焉仰天事不濟五百年來氣猶銳解五鳴

呼高冠岌岌盡保躬辱貽鄉里羞兒童他日髯攀鼎湖龍同

里凌公全孤忠公名先炳青史中世人談忠義聽我歌牟公

春日雜興

茅屋三椽結構精蕭然書劔足娛情山花墮地鳥爭啄松子
落琴弦一鳴小閣臨流堪照影急灘無雨自成聲雙柑斗酒
還能辦約客紅橋去聽鶯

周世緒

字克延號小厓又號壽燕鄞諸生
著瘦華龔詩草壽燕山館詞稿

縣志世緒工詩善填詞錢塘陳文述謂其有北宋風格
又工篆隸按先正筆墨辨其真贗彙集成帙熟於鄉里
掌故著粉社
贗瓶一書

江上暮歸

江上日初落小船輕欲飛波寬一鳧穩風飽片颿肥沙口客
沽酒渡頭僧揜扉寒宵何處住歸燕伴苔磯

渡江北

秋陰平江皋落日淡無色蘆花飛不起浪影遠生白扁舟隔岸橫待渡憇苔席望望吾廬深一桁竹煙碧

過餘姚

海瀕植遍木棉花衣被雙城百萬家破帽殘衫孤艇客一天如墨看飛鴉

楊

鎮 字逸生奉化諸生著懶雲詩存

暑坐

暑坐宜深夜攜尊就水亭煙搖三徑竹風動一池星涼月依人白長天過雨青噉噉雲外雁獨立不堪聽

董

杰 字引之山陰稟貢著東山小草

遣興

人到忘機總自如半生俗慮漸消除閒拈秃管題新句偶取

殘箋補舊書，簾角迎風歸。乳燕池頭唼，月上游魚酒。酣一笑，
渾無事臥聽枯棊落子餘。

丁文炳

字霞仙，蕭山諸生。著聽鐘樓詩鈔。

花影

天然一幅畫，圖披點綴春光別樣奇。幾樹斜陽風定後，半窗
明月夜深時。空中有色神全見，香外留痕蝶未知。看到瑤臺
重疊處，呼童欲掃費猜疑。

錢豫豐

字芳嶽，號琢庵，嵯人官廣東。刻中所見集先生詩五言如獅子林云：松高不著土，石

峭欲摩天，夜坐白云青鏡依壁暗，黃葉落階深。七言如夜
歸云：天邊微月白如練，水際飛螢多似星。雜揚覆舟云：
漫道光陰如過隙，早知世事等浮瀾。六十自壽云：無官
未必非吾福，有累翻因得子多。阻雨云：風急船隨孤葉
舞，波狂橋作斷虹飛。送春云：芳草多情留客恨，落花無
語怨春歸。六言如偶作云：跨鶴馱來山月騎，牛踏碎秋
雲俱佳。歸田後家計日落嘗有詩曰：吾家鎮日炊煙斷。

那有囊錢爲鶴謀清況可想余嘗有詩甲之日一官閱
盡風波險三載端州引夢長白髮歸來添食指黃金散
去贖詩囊交情冷熱隨流水墓木蕭條慘
夕陽最是不堪回首憶年來玉樹半凋傷

九日偕友人登陶然亭

侵曉出城南天衢碾車輻沙水散青靄氛埃淡紅旭蒼崖出
清泉涓涓吐石腹羣魚蘆間棲一鷺水中浴我來步層梯林
密翠可掬江亭傍禪林軒窗豁遊目僧徒煮香茗花鬢列紅
玉朋簪啟高會賓筵設林麓陶令千載人逸韻寄糟麴劉郎
一世豪題餽尙瑟縮吾曹暢清游閒散卽爲福石闌罨碧草
松徑綴黃菊涼風吹客衣到處香馥郁亭西夕陽麗鐘魚響
佛屋倘問歸何遲陶然得所欲

遊三懸潭

剡中侈名勝茲景古所選峽峭嵌崑潭水鏡懸三面仰視天

蒼蒼石竇開一綫恍若巨靈擘又如媧皇鍊飛瀑空中懸隨
風散雪霰聲裂千歲松色晃百尺練下有神龍蟠追視目屢
眩蕭蕭六月寒輕袷難久戀興盡憩禪林鐘聲起佛殿

秋日偕胡竹香家蓉臺玉川登山兼謁祖墓

青山望松楸蔥鬱闕煙杳石嶺攝崎嶇奔泉懸竹篠遙睇蘆
雲尖峩峩插天表複壁絕無人空谷答幽鳥我偕三友來徑
轉入窈窕居人傍丹崖愛此清且悄杯茗烹石泉不待汲溪
沼小鮮雜山肴酣飲忘昏曉更上謁宰木喜見佳氣繞徘徊
未忍歸落日墮縹緲賦詩誌清游餘興孤鴻矯

曉行漫成

趁曉東裝剡溪上隔溪白雲飛疊嶂仄徑淒清人迹稀扁舟
時聞野雞唱竹根初旭紅迷離山橋流水桃花低嗟我乘興

向何處瘴霧滿山嘯畫眉

途中有感

征塵何漠漠客路曉來清
細雨幽燕樹輕煙涿鹿城
窮通如隙影患難見人情
回首南冠者淒然涕淚橫

揚州

廿四橋頭畫舫移
平山堂外碧參差
可憐十五當壚女
見慣吳娘勸酒時

滿城春色鬪新鮮
只種瓊花不種田
小艇遲歸斜月上
歌聲裊裊入江煙

黃

育

字明星臨海諸生著漱玉集梓里遺聞舊學齋示兒編

昌國寺

一徑入深碧鐘聲雲外傳
到門松子落繞砌菊花妍
石冷人

跌坐潭空月在天欲尋舊碑讀壞蘇蝕千年

題巾子山仙人牀石壁

何年仙人去遺此仙人牀仙人不可見四顧山蒼蒼我來試
高枕一夢邯鄲鄉仙人綠玉杖招邀天際翔我起欲從之迢
遙限河梁酣來日已莫雙塔落我旁天風何多情獵獵吹衣
裳拂衣下山去滿袖松花香

同吳毅臣

謙卿

許石生

祥摩

游法海寺途中漫成次韻

撥雲尋古刹把臂入松林頓覺塵纓濯全消熱客心蟬聲曳
孤響松籟發清音共訂重來日幽情此地深

疊石山襍詠

仄徑通斜竈倒入重巖背洞口而層陰片片秋雲碎

穿雲洞

日暮望歸樵目極秋雲翠紅葉束青藤一徑斜陽外

樵雲所

張作楫

字濟之號舫齋金華諸生

北地王歌

陰平戰鼓從天來
 絳州城門朝豁開
 馬遯迎降贍尙死
 譙周驚國真庸才
 北地聞言獨揮涕
 當前扼腕排羣計
 先帝親征三十年
 王業艱難傳後世
 揚一益二古天險
 奔吳降魏將奚濟
 便當擐甲親誓師
 背城血戰存危勢
 君死社稷臣死君
 不濟亦足謝先帝
 豈有巍巍萬乘主
 輿櫬面縛同兒戲
 入廟長呼血灑丹槌
 胷一慟劔光寒
 夫妻子女同殉國
 堂堂大節垂不刊
 後主北行王獨死
 嗚呼漢臘終於此
 蜀山峩峩蜀水深
 碧血爛斑照青史

鄭文珣

字玉良號崑林西安諸生著率性吟

沈方鑿序崑林三衛知名士也近體道逸古風或幾於道是能得性情之正者

不棄

不棄牛溲與馬通囊琴匣劔浙西東雕蟲小技壯夫恥市駿
雄心知己同抗論人才惜王猛獨攄忠憤慕臧洪孤鐙濁酒
飄零夜新雨荒郊涕淚中

王

字蓼生江山殿貢著筆帚
金詩鈔八卷須江詩譜五集

縣志鈺生長江陰母氏史素
工詩所學得於母教者多

答家肖巖

小小園亭一徑斜年來賣菜寄生涯青芹紫萸都盈畝那有
餘情種菊花

七夕感懷

也將瓜果設中庭振觸蕭郎涕欲零拌向黃爐謀一醉避他
兒女拜雙星

曾佩雲

字石生永嘉諸生著怡園同巖吟草

縣志佩雲純謹好客喜藏書築園松臺山麓雜蒔花木名曰怡園道光初縣學圯於颶風與弟喬雲重修計費白金八千餘兩學使朱文定公爲文志之

僧拜石

僧旣石爲軀如何復拜石著此身外身遂覺判形迹朝參對
晴暉夕謁迎素月頑石不點頭僕僕何時歇

龍鼻水

劉累昔豢龍豢龍如豢豕一龍尤貪饑朝夕饜甘澆靈質失
飛騰肥重不能起絕迹霄漢閒偃臥空山裏鱗爪雖儼然精
氣已半死鼻端垂涕洟盡日不盈簋遂使霖雨資慳此涓滴
水何日脫拘攣變化憑尺咫鱗鬣作之而風雲供驅使倒捲
滄海波傾灑幾千里焦壑及枯田甘澤一一被掉尾卻歸來

深巖美春睡

胡

字柯亭錢塘人道光乙酉舉人
官金華教授著樊桐館詩鈔

冬蘭

向日催花放
凌霜著眼看
幽人羞附熱
芳草不知寒
香抱冬心冷
名成晚節難
山中高士臥
一曲奏猗蘭

磬鍾峰

石挺出雲表
隱然嵐氣深
旁經武列水
下有梅檀林
不見草木長
但聞鐘磬音
亭亭如欲墜
萬壑夕陽沈

閣淺

相看俱默默
各自計歸心
淺水一舟閣
暮雲千嶂陰
估帆爭順逆
世事聽浮沈
盡日看山景
丹楓襯綠林

江上曉歸

破曉扁舟撥櫂行西風獵獵送歸程
喜迎紅日開帆影尙憶
烏篷聽雨聲滿地冰霜沙岸裂半塘
煙水釣磯平回思負米
當年事躑躅江干恨此生

姚光晉

原名琨字平泉仁和入道光乙酉舉人

俞樾傳畧公有經世志不屑為章句之學幼與兄東石
公齊名皆受知於督學阮文達公東石公早卒公事嫂
撫姪無少怠一統志告成得縣令公不樂吏職改授上
虞教諭訓諸生以經義公選於經著性論多先儒所未
發又精史學其餘句算醫理靡所不通年八十餘神明
不衰嘗曰以出世之心行入世之事公殆所謂聞道者
與著兩窗瑣譚三卷
杭郡詩三輯平泉負經世志道光初吳中歲大祲林文
忠時陳蘇臬平泉上救荒議及疏濬三江水利議文忠
甚韙之所著有古文摺逸周易貞字質疑四裔年表書
成已燬其甥俞太史樾為輯詩文四卷瑣談二卷以傳

鐵幢歌

秋風夜起曲江曲倒捲銀波滌陽谷
狂潮一夜動地來日月

照耀金銀臺築塘捍水水不退天吳人立聲如雷腰鼓城頭
晝吹角八都健兒坐黃閣竊據東南十四州馬上賦詩屢橫
梁羅平已破旌旗東來與羅刹爭英雄三千鐵弩背城戰霹
靂直搗馮夷宮馮夷退舍三百里長隄如虹障江水三枝鐵
幢鎮水妖繫得支祈并蒼兕鐵綆貫幢頭鐵輪護幢趾徑七
八尺狀如杵幢頭出地三尺餘斑駁蒼苔土花紫憶昔安撫
趙使君築亭幢上旌殊勛於今零落埋秋草尙有神光照海
雲嗟乎錢王一去千餘載二幢飛去今安在一幢獨立利津
橋夜夜風雷鬪滄海

讀建文帝後紀

濠泗真人提劍起漢高之後一人耳老來讀禮誤檀弓莽莽
乾坤付孺子甲觀元孫御極初衣冠萬國拜丹除銅龍催漏

開仙仗金鶴焚香讀諫書漢家定地分茅土錫以金車符以
虎高皇龍種與人殊二十四藩朝叔父孝惠由來是守成可
憐官禮誤鯁生朝衣未許誅東市丹詔空教下北平北平皇
子鋌而走擲杖大呼我何負一朝鐵騎動地來大書靖難傳
刁斗珠旒朝飛遼海雲金尊夜醉燕山酒蛟龍志本在擎雲
豈爲削藩問戎首空憐憂國賈長沙誰是勤王周細柳金川
已破鐵門開宮中一炬成灰埃君臣相顧無顏色慟哭六宮
齊掩泣憐儂生長帝王家那知骨肉成仇敵斗粟尺布不相
容徧地關山行不得內臣記得先朝語紅篋秘書藏禁署力
士翹關起鬼門度牒隨身從此去鐘寒人散景陽樓月落烏
嗁白門樹冕旒脫下換袈裟立現優曇頃刻花門下幾人呼
弟子侍臣無復喚官家錫杖雲游朝復暮芒鞋踏徧天涯路

天涯何處是儂家總在白雲最深處朝躡巫山十二峯暮宿
海嶠天台宮巫山秋老月初白海嶠春深花正紅秋月春花
依舊好故國繁華空懊惱一聲梵響落諸天夢裏猶疑宮漏
曉潛龍一旦露真機中使爭迎老佛歸長樂宮中花已落朝
元閣上燕初飛薊門那敵江南好長陵久已悲秋草一朝圓
寂萬緣虛空教白日催人老名士爭題支遁庵遺民尙指西
山道往事蒼茫五百年龍門史筆補遺編赤龍事業今何在
夜夜空山泣杜鵑

書估行

朝游金閨門暮走長安市航頭科斗經壺中石渠史漢家下
令求遺書聲價頓增雒陽紙魏王之冢孔公壁吉光片羽皆
珍惜會須讀盡娜嬛書安用區區兔園冊堪笑虬髯西域奴

腰纏十萬求明珠

早發富陽

江繞西陵路幾彎忽教回首望鄉關
兩行疏雁劃秋水一角白雲封遠山
踏浪帆行煙雨外臥游人住畫圖閒
自憐不是樵漁伴纔見嵐光卽破顏

題金忠節公遺像

余寓毘陵時公族裔以公像索詩卷中惟吳穀人趙
鷗北洪稚存三先生詩餘無題者以其難於下筆也
不揣譎陋按明史中公本傳題五十韻以志景仰

黃海鍾靈氣先生百世師

九重裏亮節一卷識英姿磊落籌邊畧艱難報國時存亡歸
劫數名教獨擔持大義公無愧前朝事可悲芳名初及第尼

運已逢衰

公於崇禎元年登第

鸞鵠摩天健文章薄海推神仙香案吏

蘿桂舊山詩雖列金門選而當國步危舉朝爭洛蜀大盜起

潢池有賊皆銅馬無城臥老罷空陳朱伺議誰奪白波旗虛

擲千金賞難將一木支中原剛鼎沸

聖主正開基

神策燕犀集

天兵鐵騎馳

明崇禎二年十一月大兵薄都城

漫思螳斧健特薦虎侯癡

公薦

僧申甫為總兵出屯柳林公參其軍

覆轍符房瑄

申甫以車戰敗陣亡

奇謀惜范蠡

公請使朝

鮮連絡東江及各洲島兵為之聲援以張海外形勢朝廷以為迂不納公遂乞歸鄉萬巾野服以待時事之變挂冠

還白嶽拜表謝丹墀去國身雖遠憂時計莫施葛巾修野服

象笏換朝儀當食猶三歎長歌卽五噫耨鋤皆虎豹臺閣半

臬鷗竟捲黃巢甲誰揚赤帝麾鼎看淪泗水日已墜崦嵫保

障無全策東南贖半規不聞出師表尚逮黨人碑列鎮爭蠻

觸

王師下虎貔長江奚足恃小腆豈能為驕慘紅羊劫倉皇白

版司惟公持故節仗義建靈鈺公起兵保司馬三軍帥唐王

為兵部侍郎羊曇兩道棋公分兵扼背風非瑞筴向日感秋葵力

盡猶援鼓城孤尚守陴虎賁馳閒道蟻穴失巖坻大兵開道

歸公以士卒無生氣將軍定死綬都羅雙國士慷慨一俘纍公

弟子江天一執至金陵皆不屈死

帝世春如海臣心鈍似椎淒其河嶽氣愁絕雪霜期取義身

無恨成仁志不移忠魂甘就死大節果無虧謚重

皇朝錫乾隆時賜諡忠節名看太史垂明史有馨香宜俎豆遺像見

鬚眉玉立丰神峻冰稜骨相奇兩眉蒼華餘兩鬢符采煥雙

頤肝膽千秋仰精忱九廟知功非爭尺寸名亦薄銖錙血已成
瑤碧心猶痛菴蔬滄桑成往事餽愧摛辭正氣今猶懍
昭忠已有祠靈旗何處去遙想白雲湄

董師雍

原名珠字玉輝仁和人道光乙酉舉人著慈蔭堂詩草

讀屈原列傳

忠易招羣妒難辭眾謗侵離騷非怨語流水盡哀音天遠言
空問途窮慟莫禁有誰傷小雅聊爾寫長吟

謁柳州二賢祠

古柏樹參天鄉祠仰昔賢頽垣八九尺敗屋兩三椽遺像積
塵土何人司豆籩龍蛇餘壁畫一望草芊緜

朱

蔚字子藍海甯人道光乙酉舉人蔚官工部主事著盟蘭仙館詩集

家傳畧金華方鐵船元鷗以名進士官水曹跡落避俗
日事吟詠嘗於內城購屋一椽手自編葦作籬種豆蔓

延花葉楚楚置草蟲其閒聽其作聲輒自詠詩與相和
 答因自號漫吟先生子藍者亦謂子藍耽於吟詠閒靜自得
 官之知鐵船及假歸里居養母十餘年遂不出矣已歲儉
 甚似鐵船及假歸里居養母十餘年遂不出矣已歲儉
 集同志為粥以振救其他瑣屑之事閉戶不樂聞有言
 及者輒慨歎遇一善則道之再四若欲以此調勵世俗
 者

錢警石廣文以詩文集見示屬為點勘激賞之餘系以

三詩

芝蘭茁瑤階梗梓蟠穹谷要知古通儒蘊釀由家學夫子承

華閱金章標氏族匪徒楹書貽折夔并課讀集中有秉母教讀杜詩感懷之作

所以騁藝林神駒蚤騰蹕經義師馬鄭詞賦擅潘陸螯旗

建三丈龍鼎扛百斛會當玉山馳胡迺鹽車伏長材困短馭

盤餐甘苜蓿名山有傳人不在飛食肉青紫只區區好官思

爛熟

載道發高文緣情播聲詩根茂斯實遂言行常交資奈何末
流弊輒作酬應施買聲竿木具媚世功德碑撫拾虞初說媒
褻香奩詞嗚呼荆榛墮符乃誚論癡維君重勵志立言忠孝
基清芬紹先世長恐門業衰遠道切友于白首期同歸集中
系譜序一首陳碩士先生謂爲至論名言世家子弟所當錄置座右又有喜衍石令兄南歸詩四首并和作浮詞
埽穢正樂追咸池力挽狂瀾倒柱石屹不移

文章區派別千載堪尙友遙遙奉瓣香何異一堂受嗟余鮮
定力涉畧迷淵藪近更坐嬾廢駒隙光陰負徒書百悔經井
乏千金帚雅荷巨集貽知音推下走淋漓濡墨瀝鼈法挾鯨
吼淒清夏幽韻孤舟泣嫠婦名言洗肝脾真氣驚戶牖頗欲
獻芻蕘疵類亦何有高吟擊唾壺大白傾一斗鱸堂多清暇
綈槩不離手努力追前修令名期不朽

題沈東江先生手書詩卷 并序

先生名謙字去矜仁和人工詩古文詞為西冷十子之冠所著有東江集毛稚黃為之序此卷為先生避亂舟中書自跋云庚寅四月二十三日四鼓過寒山曉月映塔流屍觸船披衣起視悲愴欲絕天明因錄本年所作五言律詩四十四首聊以當哭餘體不備

書云

鶴唳鄉園警鷓鴣張寇盜多騷人經板蕩雪涕走關河即事存詩史吾生且獻歌那堪中夜起觸目是尸陀

書成章四十如譜雍門琴灑盡遺民淚聊為漁父吟先生自號東江

漁者投竿子陵節蹈海魯連心匪獨工文藻高風溯至今

題錢警石廣文泰吉冷齋勘書圖

書籍充棟繁宋本始堪貴匪惟文字點畫精校讐兼之書法

肥瘦綽有名家意昔人謂宋板書不惟點畫無訛亦且鐫刻

一而字勢皆生動自從南渡後草創規模置疏陳摹勒監本書前有

學官王瞻叔後待制張彥實抱殘守缺次第鐫未全史闕漢唐經

禮記惜也金繪充和議由宋迄今七百年殘編零落隨雲煙

世家好古偶藏弄重之不啻定武初本蘭亭然鴛湖藏書家

天籟閣中稱最焉厥後小長蘆釣師積卷乃得八萬有四千

撐腸拄腹窮鑽研先生宗法鄉前輩天才亮特氣矜邁況生

清芬世守之鼎門家有

賜書足沾漑曩者宦海東書畫一船載頭銜冰樣縱云冷齋

冷卻喜翛然遠塵盪日舒遲兮花天飛胡蝶兮翩翹裊熏爐

之香篆品石銚之新泉先生無事理瑤編爛如雲錦加丹鉛

瑣碎釋蟲魚蒼翠包山淵旁參金石錄冥索凡將篇看如風
之掃籜忽得意而忘言麻沙父釜有必辨雙眼似月炯炯清
光懸我聞宋次道善本勤搜討又聞齊獻王借書手自校先
生力爲後學導津梁用心直匹亭林老未識何年付梨棗且
喚畫師寫作圖藝林仰鏡瞻通儒徵詩到鮑謝作記追韓蘇
先生有冷齋勸書記愈爲先生題行看葩葉萍布蛇蚓紆或有坐歎息
此才豈合老著書旣不能如方回少室謨觴趨又不能如張
華福地娵嬛居蒼龍耕煙犬守戶侍者如玉迴青矚世間別
有員嶠與方壺不必遠在縹緲之仙都青藜燃天祿寶笈修
石渠謂宜待詔如嚴徐冷齋勸書胡爲乎我意殊不然好官
思爛熟與其爭摹花樣畫葫蘆曷若自味道腴餐菽韻蒨笑
子夙愛羅縹緲不耽訓詁耽詞章年來掩關百事廢有如枯

蟬竹素園中藏題詩報命勉效盧仝馬異體瓦缶難以諧宮
商鳴呼瓦缶難以諧宮商安得飛霞乞珮與君高顏頰

揚逢時

字膏如號蓮儂海鹽人道光乙酉舉人

贊洲館詩話連儂慧業同乎靈運動學過於士安讀易
通河洛理數與陰陽藝術家言輒能抉其精蘊因善病
研究靈素嘗謂辨證不外標本治病專在氣化人知臟
有五腑有六不知臟稟天之清氣五臟各具五行合
之即天數二十五也腑稟地之濁氣亦各具五行合之
即地數三十也論標本則不可混論氣化則不可分古
人求其說而不得唱為隔二隔三之法近乎迂矣其論
倫常亦謂缺一則四者俱廢其論經濟亦謂事無鉅細
智仁勇相輔而行於成說頗有異同

楞嚴寺小憩雨華堂賦贈十柳先生兼示竹庵上人

共抱探幽癖相將到上方松聲晴亦雨竹蔭暑生涼地僻僧
俱古心清語欲忘未能參半偈津逮仰慈航先生通內典

董

灼

字交珊號曉山鄞人道光乙酉舉人

題貞烈王淑姑詩冊

天姥之峯雄且奇，靈江之水明而淨。中有名媛王淑姑，貞烈由來秉至性。淑姑生長赤城里，遠字金陵人。姓李兩家一諾金，已成花開並蒂枝。連理阿翁時方官，四明越水吳山千里程。魚書忽寄故鄉信，鴛譜又訂他家盟。一時鑄就六州錯花，落紅顏嗟命薄。玉鏡臺添照影，鸞銀河路隔填橋。鵲幾費調停策，兩全願奏雙聲大小絃。母也天只胡不諒，望斷三生未了緣。金釵拔下雙雲鬢，還卻檀郎舊時聘。誰知女心匪石堅，紅絲一繫緣先定。東牀別整合歡羅，射雀屏開可奈何。懷得金環甘一死，汪汪古井澄無波。此身自輕情自重，春風顛倒鴛鴦夢。零落徒傷鏡裏花，分飛不管釵頭鳳。粉怨珠啼跡已消，同根芻樹未全凋。一縷香魂郎作伴，彩鸞依舊嫁文簫。生

不能爲比翼鳥死應化作相隣草至今惆悵弔芳蹤赤水丹
山同縹緲

題倪節母秋燈課子圖

風飄飄雨瀟瀟蓬廬秋盡夜寂寥兒抱一編讀母把一燈挑
機聲書聲苦相答燈影人影寒光搖課兒學成願始畢十六
年長如一宵我聞此語心先裂我覽此圖魂欲消吁嗟乎丸
熊柳劉薦陶倪母高風應並昭擬歌一曲不成聲但聞落葉
紛林梢

程德賢

字培英西安人
道光乙酉舉人

晚眺

一碧萬山合悄然孤客歸慵扶古藤杖久著芟荷衣但愛斜
陽好遑知人世非欲同僧說偈鶴骨可能肥

朱世杰

字秀巖錢塘人道光乙酉副貢官湖北竹山知縣

杭郡詩三輯秀巖好聚書劫後余猶得其殘帙皆善本也

南屏訪小顛夜話

方外交如此凡塵隔幾層三生尋舊夢一字訂吟朋修竹涼

虛檻秋風閃慧燈相將跌短榻坐聽曉鐘清

許之瑞

字輯五號蓮君乃來孫仁和人道光乙酉副貢官山東兗州知府

丁申日輯五由東城兵馬司副指揮出佐秦安郡懸權萊蕪嶧縣濰縣膺卓異擢桃源同知守兗州著有政聲

渡濟水

望洋莫歎返臨河擊楫中流唱棹歌小艇掠波輕似燕春風

鼓浪白於鷺村遙半露煙中見山遠如浮水上多贏得故鄉

好風景何當垂釣老漁蓑

陳裴之

字孟楷又字朗玉號小雲文述子錢塘人官雲南府通判著澄懷堂詩集

吳振械傳畧小雲側儻權奇明於當世之事卒年才三十三耳集中詩不拘一格或以雄宕勝或以排側勝亦儷青偶白團粉鏤脂則猶沿碧城風調也尤工倚聲有夢玉生詞賢偶汪夫人深於詩有明三十家詩選徐尚之序畧嘉應李丈黼平丹徒王丈璩長洲吳丈翌鳳上海徐君渭仁太倉畢君華珍選刊澄懷堂詩集去取互有

同異
王嘉祿曰小雲爲雲伯先生令嗣隨尊人寓吳下才氣俊爽丰度翩翩詩不專學古人自有窮力追新之妙

葛嶺洪忠宣祠

雪窖冰天志不屈馬角龍髯悲孰恤先徙冷山後雲中閱十五年如一日帛書鴈足來龍荒生還竟得歸錢唐請伐金相無語請養親君不許君褒臣功相不然相議臣罪君無權詹李羣奴肆攻擊英州謫後袁州謫同時更有朱行人末路何如蘇屬國

題宋汪水雲詩集

馬上青蛾去江頭白雁來風塵暗吳會雨雪上燕臺故國鍾
儀淚高歌杜甫才黃冠湖上過愁見老梅開

苦雨

去年雲漢動悲歌此日愁霖更奈何當局有人嗤曲突救荒
無策且催科城中米價如潮長郊外流民比雁多莫使杞人
憂獨早好寬

宵旰召春和

楊柳枝

垂絲千萬縷綠遍舊章臺縮作同心結東風解不開

壽先生

名同春諸暨人年七十二佐臺灣淡水郡丞程峻幕乾隆丙午冬林爽文陷竹塹城郡丞死之

先生糾義民復其城遂攝丞事明年隨官軍進駐烏牛關逼賊巢遇伏兵潰馬蹶被執罵賊死事聞

建祠于臺郡李義士劉烈女與焉

臺灣姦民殺官弁草疏干言飛告變疏言草野臣同春郡丞
程峻之故人程峻死賊賊入署斗大巖城賊爭據臣率義民
克復之解圍專望馳雄師微臣雖無守土職郡丞一印臣擅
攝昧死陳情達

天闕神策軍來爭破敵自願隨營殺蟻賊烏牛關前白刃接
賊敗大呼伏兵出矢竭刀缺外援絕馬蹏一蹶身被執丁未
季冬月十日罵賊常山死不屈事聞

當宁頒尺一廟食千秋獎忠烈吁嗟乎廟食千秋獎忠烈乃
是諸侯老賓客

李義士

名喬基嘉應州監生林賊初亂在彰化團練鄉
勇堅守鹿仔港丁未正月進大里塹攻西門不

克二月復至牛馬
莊勦賊被執磔死

老羆當道臥貉子那得過大軍未集孤城傾壯士一呼賊鋒

挫貴不必橫衝都眾不必鷓兒兵鹿仔港接彰化城毛葫蘆
卽君子營一戰大里壑再戰牛馬莊礮聲如雷地中起殺賊
不克被賊戕賊戕眞義士

詔書煌煌傳廟祀粵東嘉應國子生喬基其名李其氏

劉烈女

名滿姑臺灣郡丞劉亨其女賊陷彰化女依父不肯逃父被害投池不死賊引之出女怒罵不

止遂遇害時年十七

戀父心甘白刃蹈滿姑死烈仍死孝罵賊不畏遭羣凶滿姑
死孝還死忠三尺刀光一池水滿姑知生不如死

君恩隆祀臺灣城滿姑雖死仍如生史乘千秋載奇節劉郡
丞女年十七

瀟湘夜雨篇

美人清淚才人血萬古魂銷楚江碧秋士愁看洛浦花春人

慵翫秦樓月花月他鄉已斷腸那堪風雨下瀟湘微波渺渺
芙蓉老墜露娟娟木葉涼荆門峽外猿嘯急鸚鵡洲前雁聲
泣萬種秋酸一寸心銀缸星黯鸞衾溼獨憶江皋解珮天南
樓吹笛夜無眠蘅銷豔魄蘭銷雪竹化嘯痕玉化煙烏篷響
畚冰弦弄暝寒瘦怯銖衣重一抹巫雲鏡底峯朝霞紅斷陽
臺夢淒絕熏香小坐時清商涼逗綠參差可憐秋士天涯感
說與春人恐未知

沈西離大令丈詩輯同人詩話見訪索詩卽題載酒訪

詩圖後

儒林傳兼文苑今古通才幾人試訪南湖詩將何如高密經
神

綠水青山一葉玉簫金管兩頭莫問詩龍酒虎煙波我識聞

鷓鴣

汪秉健

字實甫號小逸錢塘人官廣東長甯知縣

東軒吟社圖傳畧小逸中年家落以未秩宦游存攝縣令所部民情擴悍濟之以寬頑梗漸化尤篤內行兄客死於蜀第客死於吳皆不遠數千里迎孤寡至粵撫育成立為完婚嫁人咸難之

同人懸樊榭徵君像於水北樓設祀即用集中生日有

感詩韻紀事

滿湖梅雨漲鷗天為展遺容思邈然文苑已操麟史筆詞科

何負鶴徵年糜公社古迷三徑山谷祠荒寄一椽曾記西溪

溪畔路煩他樵牧護牛眠

許惇詩

字小琴仁和增貢官淮北監掣同知

臬機懷古

日暮江潮急荒祠叫鷓鴣三分終帝蜀千載失歸吳瑟和瀟

湘怨山寒大小孤，
臬磯凝眺久，月上洞庭湖。

王

堉

字漱玉，海甯人，
貢著自娛詩稿。

題顧晴莊先生晴莊閒步圖

君家溪頭水，吾家溪上屋。
環溪九十九峯巒，對衡望宇溪水綠。
君能步履日探幽，吾媿塵忙少閒福。
近欲卜築西溪傍，屋縛黃茅籬編竹。
地偏心遠任襍沓，那管車馬人歷碌。
今春左足病，經旬扶筇才予對。
夕曛廢吟不著腳，氣集杜門不綴讖。
足文胸中邱壑意，中景閒閒布置清。
且靜他日移住此山莊，幽棲先從畫圖省。
君本天機清妙人，此閒小隱足閒身。
琴書倘許移居共，元九仍與樂天鄰。

村居雜興

幾閒仲蔚宅，兩部稚珪娃。
蛙多病長辭，客甘貧獨放。
懷身心安。

是藥蔬筍便於齋語爾買山者何如此隱佳

朱

英

字偉人號泉山富

張道曰先生弱冠補諸生患隱疾翹膝藉囊而臥乃養
 病靈巖山中久之獲痊始籍名太學願購之收藏極富
 遂絕意進取獨癖嗜書遇名蹟瀟灑至先以副本示見者
 善鑒別真贋人弗敢賺工鉤摹客至秋深感懷帖真
 粹無以辨也初先生於山家獲王右軍秋深感懷帖真
 蹟紙敗如煙不可觸指裝池者悉謝去先生獨以意手
 自成卷完好無少損其精能如此家故有三層樓坐臥
 其顛蕭澹雅尚日以賞鑒自娛不復問世事年三十餘
 遂肆力於畫初師文仇青綠界畫好作小幅點矩拂
 規幾亂真本晚年獨闢門徑勁秀橫逸其鉤勒拂曳若
 不經意而神氣蒼蒼時溢澁暈之表中有所感一於畫
 發之寸縑尺楮得者寶如拱璧閒作花鳥亦復秀絕其
 署畫曰十二峯不識姓氏用氣畫輒自題識與不識以是
 稱之詩學王孟蕭逸無塵氣畫數於月題識與不識以是
 句殊雋尤明音律嘗截管為洞簫數於月下吹之好鼓
 琴然寄意而已先生初以宅近市徙居亭山之復返故
 植葵躬為灌園年六十思樂與羣從子第遊乃復返故
 廬避俗樓居時人罕見其面惟與客評鑒書畫清談竟
 日無倦容或手樹花木疊石以遣興
 自適卒年七十五子喜齡能世其畫

孫鍾墓

無端爛漫起祥雲，虎踞龍盤勢不羣。
萬笏歸朝峯四面，兩雄繼世鼎三分。
當年赤壁功何烈，今日蒼江日尚曛。
此去海門潮不遠，猶聞夜半走千軍。

沈愛護

字琴伯，嘉興人，著味蘭山館詩稿。

白嶽庵詩話：上舍工詩，善書，尤精篆刻刀法，蒼勁深得漢人三味。馮柳東太史跋其記雲：小築印譜云：詰曲參差，漢印之妙訣也。鈍丁不得專美，次閉何論焉？其推重如此。先兄弼贈句云：胸無俗學，乃追古別，有奇方能活人。蓋紀實也。

同人約遊橫山，因事不果，賦此作答。

好鳥銜書至，招予踏翠鬟。
碧波一溪水，落日兩橫山。
啜茗僧同坐，哦松客乍還。
黃花應冷笑，遲我未躋攀。

陳若蘭

字覺生，秀水諸生，著葆澤堂餘草。

殷兆鏞序畧覺生少好吟詠及長與海內名流酬倡篇什爛多茲汰存其三十年來之作曰葆澤堂餘草葆澤堂者君自碧漪坊再徙望吳門外之新居也君之尊甫星齋先生嘗為柘林通守遺澤在吾矣君之二子味梅筠石俱續學能文味梅為諸生譽日起觀君之以葆澤名其堂與詩也君之所以承先啟後者可知矣

游黎里羅漢寺偕趙子鶴丈題壁

貝葉翻殘日香廚次第尋樹高藏鳥語客坐度鐘音風雨龕
鐙冷雲煙竹徑深佛香關不住霜月印禪心

悟徹三乘妙天真本太虛講經松子落說法木陰餘詩冷題
蓮社梅寒憶佛廬晚來回首處惆悵久停車

孔憲采

字雅六號果庵桐鄉貢生官景甯教諭

縣志憲采性格豪邁有經濟才中年游歷秦汴甘涼挾策長征不得志歸就冷官時因鄰置有警奉檄督團民情以固誘掖後進多所造就講求詩古文詞留心掌故於故鄉文獻尤復雅意披羅

景甯小樂府

華屋悲 哀火葬也

生華屋死山邱古人猶切終身憂奈何炮烙刑施及親死後親死未久骨未朽區區不保子孫手嗚呼子孫盍試以身受

蘿施松 傷棄婦也

薦蘿施松柏白頭矢偕老奈何連理枝化作斷腸草吁嗟乎古人糟糠不下堂得新棄故毋乃傷

燕將雛 戒溺女也

喃喃梁上燕燕子方將雛不論雌與雄愛護常恐疎璋與瓦兮同一體彼鴟鴞兮戕其子視他人子可知矣

鷓蚌爭 懲健訟也

深淵有蚌高山有鷓曰雨曰晴相爭不決漁人舉網伺其隙剖爾軀殼翦爾翼晴雨在天爾何說

高蘭會

號芝亭平湖諸生著瓦釜集

紀夢

柴門月落殘燈紅
幽人夜臥萬念空
茫然似夢復非夢
窮途躑躅迷行蹤
輕舟一夕下東海
孤嶼突起蒼波中
恍惚肩牆露巖屋
二、三古樹幾竿竹
我行到此思叩門
竊恐造次遭呵逐
豈意年來夢屢尋
黑甜有味時登臨
升堂入室暢游覽
依稀晴翠沾衣襟
其東林壑稍紆曲
就中一室更殊俗
明窗淨几清且閒
祇可登臨無駭囑
東坡昔夢游西堂
石芝折食甘而芳
滿前眾客盡驚笑
作詩競勝誇嵇康
伊予病廢嗟輕塵
心如夢幻不復真
但得一尊常醉飽
敢希非分遺世因
而況今年又霖雨
大江西南水沒戶
滔滔白浪東西流
人民離散共愁苦
卻思吾邑東南偏
滄海咫尺波連天
深恐旦暮頑風

起化作魚龍隨變遷
愚者區區信罔識
杞人之憂究何得夢
神導我發深省
世事紛紜皆夢影
空懷百慮復千憂
對酒當歌幾樂境

自歎

自歎年來老且貧
半生潦倒混風塵
深居敢羨陶宏景
濁世誰知祁孔賓
病久老妻能辨藥
情閒稚子得全真
鄙夫自合田間住
慙媿家人共苦辛

章

藩

字山甫歸安歲貢官四川蓬溪縣丞著補竹山房詩鈔

李宗傳序畧山甫題余冷讀擒渠圖諸作堅疑雄健無塵俗語七絕尤超妙有遠神各體亦馴雅知其研摩於詩學深矣

弔明成都教授何公雙忠墓

有序

崇禎末流賊張獻忠破成都教授何公登明倫堂鳴

鼓集諸生無一至者遂與其妻縊於堂都人士爲瘞
於署右惜不知何公之名其妻之氏雍正九年川臬
劉公嵩齡立石表其墓曰雙忠乾隆初建祠築垣並
葺其墓載其事於成都府志余與友人過訪又復傾
積悽然作此

蜀都已陷蜀王死生不殺賊恨齧齒錦城慘淡飛劫灰錦江
嗚咽流血水君不見獻逆猖狂肆其毒孛雲四張烽燧起教
授何公古丈夫欲收燼餘雪國恥登堂鳴鼓空淵淵城空誰
與守百雉嗚呼已焉哉子然冷官孱焉奚恃上無擊笏之同
仇下無拔山之戰士人事竟如斯天心可知矣孤城報主誓
捐軀夫婦就義扶倫紀迄今表墓誌雙忠又復專祠安明祀
毅魄並貞魂嗟嗟失名氏聞風自足感人心樵牧亦知深歎

美我來弔古讀殘碑春草蕃蕪沒荒壘惟有杜宇聲淒哀血
痕嘯破斜陽裏

題觀察李海颿師冷磧擒渠圖

我邊地勢殊險絕萬峯笏立如積鐵冷磧一關橫蒼冥六月
不化陰崖雪五丁自昔開蠶叢牛心象鼻懸屹嶠豹嶺岡外
皆羌蠻久安僻陋無踰越蠶爾雅札十三支豺狼野性成饕
餮聚族實逼居民居敢以鴟張肆草竊幾回縱火墟廬舍羣
醜狡焉逞剽奪是時我邑修羽書劫灰慘淡笳聲裂開府赫
怒整戎行號召風雲精簡閱迺咨方伯往旬宣深入不毛駐
旌節初當大軍未集時僉曰運籌惟觀察朔風單騎馳孤城
指畫從容談笑決奇兵誘敵擒厥渠先聲已攝諸夷猾用能
乘勢殲鯨鯢一鼓作氣無衰竭並令飛挽隨前營奚事量沙

唱士卒今之伏波古虎臣手淬霜鋒掃彗孛寶纛颺開龍虎
旗兜鍪濺盡鬪髓血將軍直從天上來長驅但見龍蛇掣機
槍倏忽斂妖芒叱咤貔貅亟勦截凶酋已戮餘則孥一空虜
迹無遺孽斬山立成嚴邊防靖綏疆徼良莠別我聞出師纔
五旬戎衣一著烽煙歇鳴鉦唱凱樂投醪兒童巴舞聲歡悅
自來韓范大威名西賊何曾朝食滅如斯神速古所無不日
盪除狐兔穴況復鳥道尤崎嶇吾不知其幾萬折左通嶺州
右馬湖絲互盤紆撐突兀飛騰欲上愁猿獠人馬望若蟻緣
堦誰歟妙手善丹青尺幅形勢窮毫末中有橫山不可攀箐
深路仄石凹凸虎賁徒步追遁逃噴目拔刀陰氣勃袴鞬袂
首弓懸腰鬚髮怒張神欲活安數歸仁戰陣圖請繪雲臺紀
功烈

蓮花莊懷古

橫塘水抱濠清漣學士莊前十頃蓮人去尙留三品石花閒
空漲一湖煙當年畫壁青山外隔浦漁歌落日邊文采風流
今已矣夕陽秋柳咽寒蟬

王宗植

字意香鄞人
官玉環參將

戍防卽景

官廨數椽臨水青山掩映疏籬得過今朝且過及瓜漫問歸
期

一派平疇蔥翠四圍煙景融和聽得桔槔聲外秧歌唱雜饒
歌

論功每坐大樹怡顏且盼庭柯入耳松風謾謾濤聲似瀉銀

河

薄晚涼風披拂夕陽野渡喧譁正好投戈餘暇有人閒話桑
麻

鄭傳鈞

字礪堂鎮海諸生著奇夢蘆詩草

憶劉大蓀伯

悠然念之子落日到柴關交我形骸外其人夷惠閒有心盟

白水無力買青山十畝何時得同為桑者閑

春日即景

層崖結屋兩三家不道春來豔物華一夜東風幾點雨滿山

紅遍杜鵑花

陳元瑜

字瑾侯號蛻霞會稽諸生著蛻霞詩文集

孫德祖曰陳氏乾嘉間再世封疆為越冠族君世其清德懷才不偶余猶及與同庠序其博綜羣籍兼擅草聖皆所心折於世誼則丈人行論年且長以倍君顧斯年輩論交呼小友其後余從父女弟芳祖字秦孝廉德

君外孫也擬修嫺家之敬而
君歿矣錄君詩殊悵然也

擬古

西風吹嶺雲蒼茫出幽谷平原帶落日野色昏草木江水日夜流去去顧不復林鳥鳴且翔秋霜忽已肅天地有終極營營苦不足散髮欲長往無言倚修竹

死者日以遠生者日以疏出門何所之落照迷平蕪淒風夜蕭颯嘉樹爲薪樗高明試一過華屋成邱墟江山有文藻復見才人廬百感從中來滋蔓不可除

蒼蒼未可極南山高崔巍陽春棄我去遙矚空裊裊佳人愁歲暮蕙草亦已摧朔風起中夜陰雨晨未開迢迢隔千里所思期不來何用消煩憂我姑酌金罍

絲絲長安道青青原上草縵縵瀛海雲靄靄彌晴昊蒲柳春

亦榮弱枝詎長好人生非金石隱憂易癯老百年如露電行
樂苦不早千秋有竹素思之怒如擣

阮雲瀾

字光乙號嘯亭臨海諸生著草蟲吟二卷

初冬颶風沸潮毀濱海民廬蒿目有作

聚族蛟龍近民生亦孔艱地鳴山走石海溢水懷山廬室波
濤裏滄桑指顧閒馮蠟何太酷溪漲入松關

曹

蕪字陸蕪金華廩生

胡鳳丹曰陸蕪爲秋澗之弟以文鳴世有二難之目兵火後詩文盡燬

中秋夜

長笛一聲起碧雲霄漢開桂花深院落月色好樓臺酒醒憑
闌立天空聞雁來微吟入遙夜何處著塵埃

方驥才

字壺山桐廬貢生

桐溪者隱集傳略壺山剏心程邵之學制行不苟鄉里
憚其方直詩詞冲質殆至性所寄無意求工避寇云云
行小洞桃源記足跡荒山杜老詩山居云石上題詩都
即景山中落葉陡知秋輓方雲巖云歛惟布被身難蔽
坐有藜牀膝久穿輓申屠後石云元晏孝經將欲殉
馬卿封禪不煩求意皆沈著於知舊亦無虛美也

偕孫雲卿申屠後石游新城闕塢仙洞

石壁留題削不成丹爐瑤草不知名仙人升降休迴避與爾

圍棋戰一枰

看君元似地行仙乘興來游小洞天歷過幾重行不得恐驚

虎豹石牀眠

徐一騏字小癡涪安廩生

輯雅堂詩話小癡能詩并工續事自題梅花云絕代
佳人宜遜世一簾香雪不妨花自待甚高才亦相稱

貧居

徙倚江邊日暮時此心惆悵欲何之牛衣獨泣無賢婦馬磨

同推有鈍兒三折書嫌隼尾贅一生畫愛虎頭癡歸雅三四
清寒甚如許生涯合付誰

王治模

字麗生龍泉廩貢候選
訓導著雲海樓詩集

漢南秋興

漢南山色鬱青蒼客裏情懷正渺茫詞賦有誰賡屈宋別離
終古憶瀟湘漫從蜃窟思馳馬徑欲蛟宮訪牧羊芷不芳
斑竹冷招魂何處覓巫陽

千家忽搗女鬟砧獨立蒼茫思不禁七澤易沈名士氣九天
難問美人心低徊蟬翼悲身世謠啄蛾眉自古今黃鶴雲中
招不得頻吹短笛和龍吟

琳宮貝闕半蒿萊一劒風生萬壑哀柳毅傳書空有井軒皇
鑄鼎已無臺雲從朱鳥峯頭去秋向黃陵廟裏來厝火積薪

增舊感幾人流涕賈生才

白蓮花放渚邊秋香霧迷離淡不收魚婢銜星浮島嶼雁奴
穿月叫汀洲黃梁易醒神仙夢赤子難抒宰相憂未必封侯

無骨相憑闕且自看吳鉤

孫

蒙

字茶耘觀弟仁和人道光乙酉拔貢官廣西

杭郡詩三輯茶耘以選拔考用知縣分廣西宰隆安諸
邑擢守柳州備兵右江時柳州被兵茶耘督率防守三
月之久力戰而死

古劍行

土花紅蝕鐵花繡霜棱嶢嶢芙蓉瘦古匣光凝四照寒瞥然
飛出蛟龍吼蛟龍夜半光燭天燭天紫氣天無煙忽驚太阿
落在手繞指白練如飛泉君不見豐城地下一方鐵錦囊塵
汗鋒欲鬪秋風一夜蓮花生吹盡斑斑戰土血

題潛園吟社圖

十笏潛園地輕裝載鶴還
聲華凌白社詩句落青山
跌蕩琴尊外風流笠屐閒
誰憐蕭瑟意圖畫到江關

查人

洪

字青華海甯人道光乙酉拔貢官河南林縣知縣著知畏齋詩稿

錢儀吉曰一卷中巖壑競秀奧如曠如令人目不暇給君固異才又增閱歷此境正未易到名家之後又得一

者作

袁俊曰昌黎子云眾人貴苟得欲語羞雷同東坡云作詩必此詩定知非詩人極論詩之妙矣吾無以名青華

詩請吟青華好詩羞與昔吟同之句標其自道性靈處

柏廟

汜水城東南三十里

虬枝繆結臨歧途
縮蓄偃蹇蒼而腴
盤根出土土不濡
一株橫臥累石扶
以牆包裹仁及枯
何人碑識龍頭呼
其旁鬱鬱垂鬚鬚
濃翠攢簇多抱軀
握拳透爪武夫癡
風霜磨鍊為醇

儒青煙自吐瑞色敷名號不受封禪餘嵩陽將軍傳畫圖低
垂圓蓋綴瓊珠柔枝嫩葉卵出雛天公愛養何其殊我觀此
樹心不愉岷強起立溝壑臞擔夫勾婦相睚肝放青馬牛殘
根株擁腫肯作廊廟趨神異卻供鄉井諛折挫未死孰爲娛
荒荒落日唳棲鳥奇材淪落何代無那用有心來歎吁

謁漢褒德侯卓茂祠

從井救人原未可以人從欲鮮能成遺羊與馬情通法兩語
如山萬古生

赴武安途次口占聊志風土

清流潛伏石虺虺遙見煙林擁望臺中村居古柳一株橋

樣臥隨人雞犬過谿來

地近山西俗尙勤偏將妝束鬪紛紛村驢馱出紅裙隊鴉髻

都盤一尺雲

村居還有古風傳幾處人家屋比連不作山牆作平頂割成井字界成田

木椿支土深坑裏隧道山頽迹易陳

產煤處多廢窰

鬼黑僅餘雙眼

白販煤人似漆身人

一簇琳宮只等閒四圍蟻垤卻爛斑無人那得有煙樹付與

枯僧掌墨山

姚村祭漢郭孝子墓

牛羊臊穢逐樵風豕土犁田不屬公重與斯民提故事仆碑扶出豆萁中

殺身取義在成仁莫說埋兒或未真但是我兒須似父偷生不肯謂他人

羅以智

字鏡泉新城人道光乙酉拔貢官慈谿教諭著吉祥室集

許淮祥曰乾隆乙酉新城拔貢諱棠者為鏡泉先生之祖先生父諱熹登嘉慶辛酉拔萃科甲子一周而祖孫

廷

父子三膺是選士林歎為屢見先生赴試授教職司鐸西安量移慈水課士有法至今稱之著作等身有趙清獻公年譜

文

廟從祀諸賢攷浙學宗傳敬哀錄新門散記經史質疑金石所見錄宋詩紀事補遺詩苑雅談等書若干卷先生入室弟子胡孝廉鳳錦與子交最稔故知之甚詳

嶺南葉氏藏青田印石刻翁覃溪學士縮臨蘭亭江都

李梅生

育以搨本見示索題

定武蘭亭世所珍山谷兩語精評論唐人響搨不可見後來
鉤摹尤紛紛歐虞褚陸極神似各用各法神氣存工夫不在
吹毛閒精神聚處能軼倫覃溪學士一代才善用八法傳右
軍縮臨是本固餘藝書名亦復前輩尊李君梅生出示我行
囊貴重千百緡一字大僅溢一黍肥瘦中度骨肉勻縱橫意

態有逸趣神妙直到秋毫巔譬若獅子雖搏兔運用神力無不全又若紀昌射貫蝨三年懸望如車輪筆筆毫髮無遺憾妙手鐫刻皆通神我聞學士考真本崇字三點蹟乃真諸家說詳桑與俞白石而後無此言是說信足補未備證以舊本說莫伸舊本亦有學士臨本皆如是惜我面質不及親余有大兩倍崇字皆三點余以貽梅生合裝一冊松司馬硯背刻蘭亭搨本亦學士縮臨視此本愛玩三復不忍釋過眼秋水無纖塵石庵相國小字跋合之雙美爭芳妍欲得一紙君已許如乞酒者先流涎為語嶺南賞鑒者賈氏玉枕何足云

深秋雜興

園小偏成趣秋深易得詩歸雲孤雁沒落葉凍蟬危楊柳撩愁態茱萸對酒卮尊前風味好莫誤蟹螯持

勞宗煥

字亦宜石門人道光乙酉拔貢官湖北知縣著彩雲樓詩稿

都中寄懷竺仙上人兼少峯小癡兩先生

語水清且漣折入玉溪曲中有兩高人讀書谿上屋潑墨記
施讐吟詩偕茂叔著作良等身雲霞況滿目一櫂煙波閒往
來不嫌數同結歲寒盟冬心耐松竹

沈

淮

字胎簪桐鄉人道光乙酉拔貢官山東臨邑知縣著三千藏印齋詩鈔

冷廬雜識胎簪受業於先君子工篆刻能詩以拔貢官
山左憲胥吏之弊賦感事詩言之可謂深切又揚州雜
詩亦綽有清味

感事

為宰百事難尤難在察吏以彼閭厯深況加嗜欲蔽姦猾本
性成乘閒工窺伺翻案或緣情見利豈思義譬猶虎而冠出
柙人爭避去詐復去貪要在能駕馭苟能燭其姦盡法無輕

怨安得清風來好驅大暑去

揚州雜詩

一椽遺宅沒寒蕪瀾息波平井已枯三月煙花春似海更無

人問董江都

香漂粉泊悵無家嘯徧垂楊賸暮鴉一賦蕪城已淒絕不堪

更訪玉鉤斜

吳汝雯

字半峯號種農烏程人道光乙酉拔貢

縣志汝雯以世說新語為明人改削世少善本悉心校定二十餘年博引羣書實事求是足為攷證之資生平篤於友朋獎掖後進從游者甚眾

擬東坡與友人遊道場何山

吳興富山水往往絕塵表壯哉道場遊一覽眾山小金蓋接層阿紅亭簇樹杪曲折松陰蟠雙屐破清曉上有高僧廬孤

寄人迹杳入雲老樹森迸石奔泉遶我來洗淨業對此滌煩
擾臨池時一酌清徹心目了出山日未斜紺宇含清縹書聲
隔嶺聞文筆蠹空矯復尋何山遊小溪深窈窕山鶴唳松顛
潛鱗戲芳沼徘徊興豈足日色俄冠髯遵路賦歸來一葦凌
波渺不驚戰雨號不訝狂飈掉櫂聲雜菰蔣畫意生篁篠笑
語同行侶餘杭君遍繞三竺翠螺浮六橋垂柳嫋非無山水
窟奇絕如茲少客笑屢頷頤仰視歸飛鳥

丁虹文

字慕橋號夢樵長興人道光乙酉拔貢著夢樵詩文集

縣志虹文積學善文尤工詩賦藏書甚序其詩云嘗與歸安吳汝震德清胡來金輩唱和詩壇旗鼓先偏後伍坐客或塵尾墮落而虹文羽毛逸勁猶飲石梁云

擬樂府前溪曲

桐樹生山頭枝葉自連理安得移窗前終朝見梧子

兩浙輶軒續錄

卷三十一

吳汝襲丁虹文王本梧

墨

八八

採桑曲

一寸青桑一箔絲終朝採擷怕蠶飢如何金縷尊前曲只惜

濃春花亂飛

王本梧

字鳳棲號琴仙鄞人道光乙酉拔貢官

浙江忠義錄本梧由京畿道授吉安知府時寇擾湘楚
吉安戒嚴本梧率屬為之備賊竄南昌巡撫張芾檄本
梧馳援適泰和土匪亂聞警歸賊已直犯吉安本梧激
厲兵勇登陴固守復敗賊於神岡山出城追勦賊至愈
眾守備岳殿卿擁兵城內不為援
本梧勢孤力竭猶手刃數賊而死

題鄭小樵畫煤冊

一幅輕容冰玉姿有人獨立歲寒時野苔孤館四更月起舞

為君題小詩

吳覲光

字伯廣象山道人光乙酉拔貢

射龍將軍廟

鏃門之龍鎮水國鯨鯢遠避老蛟匿眼光作電來衙衙舟人
逃遁如奔北將軍自喜擅奇功時平出哨大江東是時月黑
波濤靖中流遙閃雙燈紅勁弩驟發驚弦倒將軍獨數無雙
巧誰知射賊反射龍遂使一軍不自保嗚呼神龍本以濟民
生突遭毒矢傷其明將軍衛民禦強寇偶爾誤中身隨傾龍
兮龍兮汝無怒奮鬣揚髯何威武不然匿跡而韜光神物所
蟠誰敢侮古有北平飛將猿臂撐射石石破天為驚又有錢
王捍海馳怒鎬驚濤雲捲海欲立將軍廟以射龍名至今廟
貌猶崢嶸波平浪靜神有靈落日聽打放船鉦

葉

敬

初名元紹字去病諸暨人道光乙酉拔貢官雲和教諭

馮灌曰去病博聞強識洞澈有清識詩古文詞名於時性孤介著樹萱堂稿手焚之齋生同年必欲得其詩編接得數首俾存其人非去病志也

郭肇曰先生兼綜羣籍學皆心得久客京邸以博雅為時推重嘗預校康熙字典修雲和縣志識者服其簡覈

古文上追史漢詩宗少陵而能脫去蹊徑著有樹萱堂集未梓

許正綬曰君有不可一世之概層後園嘗謂其不飲酒而似濯將軍不用武而似李將軍已西晤於武林與談

校官詩錄之役並乞其徵詩皆勿應時已引退詢其故曰前明校官兩任無成效例禡職僕懼禡職也其持論

率如

此 贈琮曰先生晚年多家難遺稿悉投於火故傳者絕鮮近人著書目答問列諸小學家則知生平著述不為鄉

里所知者多矣

題友人程孝廉 春為 配趙孺人遺照

朝進乳暮進乳翁飽兮兒飢翁甘兮兒苦解一豈不兒愛豈不

兒憐兒瘦兮可肥憂翁命兮不延解二翁呻吟兮聲淒楚兒牽

衣兮絮語禁兒語兮翁聞哺兒兮粗粒解三翁之病兮日痊兒

碩大兮長年誰實佑之兮彼蒼者天解四

詩巢七君子詩 并序

越中臥龍山麓有古詩巢祀賀秦方陸楊徐六子以詩不僅以詩也諸公制行正奇非一軌皆卓然不朽而元章王公與楊公生同時居同里詩詞殆不亞楊至談兵擊劒傲詭佯狂又若爲天池生導其先路迄乎孝陵定鼎授諮議參軍卒不降其志以死九京可作且當與白衣乞歸者把臂入林顧不得與於斯列何耶暇日論定作爲七君子詩告諸同志俾得續祀識者必躋余言焉

季真夷曠人風期軼魏晉縱情酣翹蘗清談祛鄙吝狂乞道士銜遂棄集賢印世無李太白入眼吾知僅

賀知章

公緒昔避亂南安山窟中滴露注老子颯颯聽松風氣洽友

斯戀靈安交乃終餘事出偏師屹屹長城攻系秦

元英隱鑑湖散拙棄塵滌一第實命慳三拜俾世重赫矣弟

子榮鄙哉公孫寵毋以貌取人斯言吾聞孔方

南渡陸務觀斯文實宗主忤時異蘇軾愛君侔杜甫棲遲梁

益閒魂夢中原土垂死望中興千秋涕如雨陸游

元季揚廉夫行超識亦洞作吏砥清操論史定正統老婦羞

嫁裳白衣謝清俸放浪吳淞閒慷慨梅花弄楊維禎

元章乃逸民兵機夙諳練時平談喪亂養拙謝推薦甯受畫

師譏肯陪參軍宴著書傲周禮惜哉無由見王冕

兩閒有奇氣文長故中之談兵踞幕府玩世混市兒憤極軀

命輕落筆風霆馳一篇白鹿表空有永陵知徐渭

和吳沅芷杰旅中病述見寄元韻

落日荒荒秋氣來壯懷寥寂等然灰填餘古憤肝腸鬱唱出
商聲天地哀世上本無真樂國眼中誰是出羣才勸君且自
寬懷在莫任蕭騷旅鬢催

張英元

字梅譜黃巖人道光乙酉拔貢候選知縣著一葉齋詩存江南遊草

家傳畧梅譜性喜山水工詩手定所著一葉齋詩存二
十四卷迨遊江南名區古迹成託歌復得詩六卷名
曰江南遊草

謁瞿忠宣公祠

桂林城無完堵桂林民無安宇哭聲如雷淚如雨奔告留守
求救汝留守本有守土才一守曷制萬敵來況有二虎伺其
側變生肘腋詎可測二虎連結十三鎮內患外患勢交併萬
姓爭聽一人令一人實繫萬姓命與其死守殃及民何如活
民戕一身生不能安死亦苦守土畢竟死得所一朝赤日升

當陽桂林春轉無繁霜血髓一顆誰埋藏
忠始得還故鄉
吁嗟乎葬公骨虞山窟建公祠琴水湄
山高水長歲復歲行人誰問豐碑樹
何如遺愛留甘棠獨秀山前殉節處

糧船歌

忽聞滾滾鳴鉦催帆檣蔽日糧船來
逆流衝激上復落千人邪許聲如雷
列艇橫江官勢大步推延若旋磨
一日開行十日停阻住商船不得過
船上長年意氣揚船中少婦盡明妝
錦衣肉食嬌春面驚鴻影落波中央
一生占得浮家樂更願餘糧增百斛
那知一斛萬民膏炊斷窮簷無隔宿
吁嗟乎太倉飛輓竭年年盡向船中
慾壑填憑將生計三篙水已勝農家百畝田

金壇試院偶成

樓外接秋塍樓前秋嶂明人煙淡村市水色浸江城縣僻官
如隱田多婦亦耕夜涼聽鼓吹芳草亂蛙聲

洪小筠參軍手搨錢武肅王鐵券藏本

萬四千塔委荆棘三千箭鏃沒潮沙煌煌盟誓堅山河賸得
天家一片鐵五王四世夷青門十四州無尺土存獨遺此鐵
作世寶千年呵護煩忠魂錦袍玉帶人何處表忠觀訪西泠
路藉茲宗器凭英靈如何不共豐碑樹遷移忽到海東偏子
孫繁滋嶺外錢地名入水蛟龍不敢匿得歸趙璧形完全從此
收藏供祠宇未許聞人爭目睹有時星使索觀瞻采風偶入
輶軒譜洪子樞古工研摩形稽尺寸無差謬盟言三百三十
字吉金字字如披沙遍索題詩都鉅手銀鉤鐵篆分前後千
年軼事半湮沈殘碑已共苔花朽五王遺貌眞天人君家亦

復摹寫真 君有錢氏四世 何不裝潢其一軸留與萬古鑄貞

珉

諸葛槐 字蘇銘一字莘臣號少眉蘭溪人道光乙酉拔貢
官江西新城知縣殉難 卹贈知府銜襲雲騎尉

專祠

縣志槐讀書刻厲學識宏膽以教習授知縣所至有聲
江忠源尤稱其智勇調新城力守危城卒死難平生撰

著悉沒惟存七律二
章見遐憩山房詩鈔

緝雅堂詩話胡觀察鳳丹為余言公力戰斷一臂斷香
木積之以殮後收得斷臂啟棺改殮顏色如生家傳則

云咸豐六年七月二十四投城內靈山寺井
豈被重創乃赴水死耶井著之以竢攷定

哭襄陽沈槐卿大令 衍慶 死難

猝聞射虎趁狂瀾街市流離萬竈寒不信儒冠能殺賊更無

健卒共稱干環城盡水孤垣隘羣艦如潮寇勢漫報

國末僚惟一死可憐隻手力彌殫

曾傾舊橐集鄉兵一旅親提赴省營臨急竟難求死士濟危
何計保孤城書生志本狠胥寄循吏屍悲馬革橫二語有書
以哭留有四鄉遺愛在鄱湖百里咽哀聲

徐清翰原名鶴振號秋臯蘭溪人道
光乙酉拔貢官松陽教諭

文廟基地佐邑合碑訟嘗解軍裝至省慷慨上書言戰浙

撫欲以知縣薦力謝之母老告養歸後仍任松陽教諭
與知縣張士超率勇禦賊張陣亡清翰視妻妾先赴水
死厲聲罵賊賊斫之傷左手墜水有武生援
之負至家救蘇而舌僵索筆題詩氣遂絕

絕命詩

人事原難氣數爭書生畢竟愧知兵多君緩我須與死已許

同袍地下行

潘宗瀾字仲安號小瀾永嘉人道光乙
酉拔貢著補梅帖硯齋詩鈔

縣志宗瀾工詩
與兄宗耀齊名

出郭

出郭日猶早春來消息微和煙菜把嫩經雪麥苗肥水暖魚
知樂風和蝶試飛未嫌泥滑滑擬款隱君扉

梅花和韻

何處仙人姑射姿偶從驢背寄相思疎籬明月來相照流水
空山見一枝春在江南孤驛路夢回村店獨眠時多情水部
應無恙東閣花開自詠詩

雪後山行

嶺樹萬重霽寒雲四面遮不知深雪裏尙有幾人家

曾

塏

字曼琴永嘉人道光乙酉
拔貢著雩風草堂詩稿

秋柳絕句

無復青青舊日痕金枝搖落最銷魂關情莫問烏啼處昨夜

秋霜墮白門

次石弟屬題畫扇

牽風荇葉碧田田
貼水新蛙翡翠鮮
吹過跳珠一晌雨
東湖湖外晚涼天

吾家占得灣頭住
慣聽官私噪夕陽
兩面菰蒲三尺水
風光又點小陂塘

葛凌臺總戎

雲飛

楹聯遺墨

一旅倉皇駭電波
猶留翰墨壯山河
諦觀心畫鋒難狎
想見忠肝鐵不磨
海上蟲沙餘慟哭
人間球壁共摩挲
平原大節同千古
姿媚蘭亭各曰科

丁鍾英

字蘭石瑞安人
道光乙酉拔貢

擣衣詩

西風吹幃薄木葉下林邱遠望蠨螭塞獨下鴛鴦樓滿地霜
 華冷一天星斗流自覺羅衣薄應知萬里秋宛轉卸銀甲殷
 勤下簾鉤紋砧與香杵中夜發清幽甯惜素腰瘦但嫌玉腕
 柔清影與誰共惟有明月留哀響倩誰和遙聞蛩蟹啾聲聲
 斷續裏隱隱別離愁量裁為寒衣綫脚扣何稠邊城苦風雪
 相望大刀頭

色布星額

杭州駐防滿洲鑲黃旗人官荊州副都統

北征

北征良苦役鞅掌勞晨暮驅車方櫛風觸熱更沐雨習聞氣
 候殊仲春尚寒迥今來逢上巳炎蒸若端午僕馬亦勞止日
 斜謀所駐悲哉故鄉月復照關山路

顧培

字益生號小茶錢塘人道光乙酉優貢官黃巖訓導

楊振鐸曰先生爲省茶中翰之子承家學以優行貢成
均考取入旗官學教習選授黃巖學博爲人坦然無城
府一種和藹之氣可親可
敬處昆弟間尤極友讓

題竹愛圖

畫義涼捲瀟湘水蒼雪溟濛落硯几空山獨往宜鼓琴令我
浩歌招隱士愛竹長教竹徑開鬚眉如洗絕塵埃花豬飽喫
渾無俗知向坡公索解來

金

藹字雲度仁和人道光乙酉優貢官瀘安訓導

吳山懷古

南望江流去不迴蒼蒼雲物獨登臺霸圖能翦羅平讖帝業
誰占天水來落日帆檣收海上高秋燈火繞城隈側身宇宙
情何極畫角長吟暮色催

湖波十里洗明妝舊是徵詩角酒場詞客夜吟花入夢侍臣

春宴水浮香柳垂瘦影搖飛絮鷺冷閒情對夕陽獨倚峯頭
歌一曲斷雲無數過漁梁

吳康坊

字若疇號漁亭仁和人道光乙酉優貢官長興訓導

丁申日漁亭作賦吳得唐人宗旨問字之車恆滿戶外

靈隱借秋閣題壁

橫擔柳栗來小憩款精舍頗思白公語瓶鉢願常假上方竹
無次一閣出雲罅浮藍眺諸峯歷歷畫圖亞竭來趺坐宜松
風不論價徑參堂上禪古事數堪詫貝經迹猶存蓮像時代
謝林颺激清賞黃葉飄然下天許借秋來芒屨翻不借

散花灘

市聲息喧囂灘光拭清瑩迤邐香篆中田水愜幽聽臨流三
兩家頗饒水木勝細雨灑漁榔微風漾僧磬懷哉張外史猶

攬行窩興

魏謙升

字雨人號滋伯錢塘廩貢官
仙居訓導著書三味齋稿

府志謙升九歲能詞翰弱冠以詩古文詞雒長壇北尤
工書選仙居訓導不就家居北郭外西馬陸面山枕湖
花木蒼翳日夕吟諷其中以著述自娛者垂五十年有
書三味齋稿若干卷翠浮閣詞一卷咸豐十一年杭州
再陷死萬安橋下繼妻周氏同時殉
節周亦能書世以鷓鴣披夫婦擬之

登鳳凰山勝果寺看紅葉

尋秋到城南乃在鳳山麓蕭寺隱煙中足音響空谷釀寒天
雨霜丹黃變羣木西風吹老晴著色到楓榭林表明夕陽葉
葉紅炫目人對錦屏坐絢爛鬥蓉菊秋山信如妝春花美難
獨招提鄰梵天守詮詩可讀宋宮嶺上頭山邱昔華屋閱古
佛無語興廢同轉轂秋色自年年騷人供眼福樓鐘雜梵音
驚起幽鳥逐日夕下山行江光滿叢竹

西溪田閒觀梅花泉憶樊榭有此作因和之以紀游

畦稜若香篆不于尋溪源名泉思汲取惜未攜甕盆西溪梅
花國香雪變浪翻曰檻泉正出熟讀爾雅言依然水清淺疎
影原不繁微涓湧晝夜至潔稀蘋蘩茗材高士喜水利田父
論雛僧導先路團瓢結荒村花時約來游重款梅邊門試酌
在山清照見扶桑暎

毘陵楊蕉隱蜀僧訥庵同里高飲江何方穀陸小石集

湖上北山招賢寺寺有蒙泉奚丈鐵生高丈邁庵皆
嘗作圖今蕉隱寫蒙泉消暑圖因賦此詩

消暑湖上山空翠落禪院陵茗高十尋池光照人面開門荷
葉香蕉衫集羣彥風鳴聽煮茶涼生罷揮扇既供般若湯還
設伊蒲饌僧與俗半之永晝事筆硯同參詩畫禪藝能從所

便惜未與勝游披圖心轉羨潘闔昔寓茲故友情眷眷楹帖
索我題梁書金百鍊藏弄定無恙歲月如掣電冬華又房山
子雲三絕擅紀事各賦詩詩畫成長卷留此鎮山門後日題
名徧

雨中訪醇士不值知先一日宿江上禮塔歸後翦燈聽
雨作此奉懷

肩輿過城東野綠雨中歛瓜棚響瀟瀟茅屋戶半居咫尺卽
聽園訪戴同汎剡先期宿江上金仙禮煥儼側想月輪峯古
木寺門掩冷然鐘梵音初夕起松嶼撐空窳堵波突兀出厓
厂浩浩江聲來天風鈴語颭一鐙一明星搖若螢閃閃倒影
落水底火樹發光燄蕩滴無定形散作千億點是時景最奇
山睡水瀟潤漁火明沙洲江雲黑如麋之子工畫筆米法入

點染儻有新詩題歸向行篋檢累我賦懷人夜涼生楚簟

題潛園吟社圖

吾鄉富山水清淑資句留詞人踵相接嘖喏吟不休我昔讀
公詩得自致書郵風雲極變態花月窮冥揆惟先民是程淵
然與心謀時公歸讀禮竊喜從之游商推到聲律窘步能無
愁城東闕壇坫朋侶集鷺鷥潛園五畝地亭榭何清幽一觴
一詠閒佳日逢春秋

平生佳句耽四聲亦粗知候蟲及時鳥吟嘯終無裨仲宣愧
體弱筆力難剗犀偏師欲摩壘大將誰搴旗騷壇出轉戰羽
檄如星馳海鯨終未掣天馬不受羈湖山開入社風雅公能
追扶輪起衰手居之復奚疑此倡而彼和樂天與微之幽蹤
阻北郭勝遊慕南皮惜未與良會但讀吟社詩

出入承明廬謫仙爲公歎潛夫不久潛況乃心力健三絕畫
書詩煙雲生筆硯低首敏捷才咄嗟亦能辦亭亭卅六峯石
交名可按歷歷圖中人我亦曾識面各迭爲主賓杯酒性情
見奈何聚不常沙搏復雲散

眞州有惠政都在江村閒擣梟鐵槍詠務本種桑篇公集循
中詩循
聲振海內飄然故山還

殊恩不次擢

天語煌煌宣卽今擁皋比文教興歌絃公時主講
紫陽書院經術通治
術異學撓何患餘事哦小詩性靈能感頑陶潛樂西疇謝安
起東山蒼生望霖雨林泉豈終間

張仲甫集山舟學士詩草八十篇成巨卷內有學士題

丁龍泓貝葉經歌草稿卽用梁題丁詩草韻題是卷

同人皆次和余亦同作

書家往往能詩歌長留天地難消磨況復鄉賢大手筆自書

吟草揮煙螺裝成什襲張平子得此勝於拾青紫挑鐙展卷

憶苦吟翰墨精靈來尺咫天水多年篋衍珍物欣得所持贈

君去秋沈園記初見君初示此卷在城東沈氏園心香一瓣方濃熏今春

題句再披誦詩十之九一雜文嗚呼風流文采今尙在推敲

想見拈霜髭文孫掇拾更補益篇凡八十無零奇集成葉葉

同綴錦吟安字字難求疵因君轉思丁叟七稿卷借秋閣上

童卯題籤時丁隱君貝葉經歌凡七易稿家君審定先後裝卷侍御世父記之謙升十餘歲曾題一籤今藏

靈隱借秋閣

陶琴歌 并序

琴沙質當出宜興陶人手龍池內篆銘曰維沙陶瓦

制從鴻濛鳶飛魚躍爲歌南風鳳池內篆顯德世寶
四字考後周世宗國號顯德六年春正月命王朴定
樂此琴或卽是時所造未可知也今歸錢塘何氏收
藏因爲作歌

神農制琴自古其時器用皆陶匏琴不以陶惟以木空桑
孤桐隨所遭雷威斷琴寒松取入山聽雪聲刁騷後世好奇
出新意以銅以鐵諧琅玕地不愛寶產陽羨大江以南數名
陶搏埴之工制茗器黑黃二色沙可陶近代龔亦稱大各
供春時彬

擅勝不聞制琴音響韜此琴造記周顯德九百歲月流滔滔
當年王朴竇儼輩上疏論樂無訾警承命定樂作律準攷正
心折伶工曹徵商角羽變宮徵宮爲均主七律調鳶飛魚躍
悉天籟南風之曲南音操秋堂坐雨屏箏笛四絃并罷揮檀

槽主人觴客出古樂啟櫝已覺涼騷騷琴池有銘並古篆温
潤如玉襲錦條良質定能遇美手惜惜優德中心勞成連移
情留絕島天風滄海翻雲濤一彈再鼓盡神妙志在流水山
自高以古準今歎逝者工師耆壽思山樵吾杭琴師推李山
樵年近百齡前一
歲亡雨過天青好顏色與琴雙美稱柴窯

瑞石洞

巖壑奇千變煙雲衛百靈何年縣巨石不墜此明星擘絮雲
皆活摩厓字尚青仙人招手下長嘯震空冥

雲居聖水寺

中峯留隻履選佛此開場仄徑林容暗荒苔石氣涼年深銷
翠墨雨久剝紅牆豫想清秋日江楓綯夕陽

前明倭患浙東甯波府被害尤甚余祖籍慈谿九世義

士思敬公曰誰無死死而能衛桑梓庶不愧人呼義
鬼倭至從縣丞麾眾以拒眾未戰先潰公獨背負丞
走踰杜湖嶺使丞先行已乃操刃殺賊賊傷其頰猶
與鬪力竭而殞或曰負以走先祖秋浦公有謁墓詩
謹依其體亦賦一篇

簪紳氣節墮橫棱草莽臣偏義憤興砥柱中流生太短鬼雄
毅魄死交稱但教捍衛維桑梓何必區分到令丞一樣孤忠
悲雪竇墓門宰樹並峻嶒吾宗尚有處士諱耕號雪竇山人
與張忠烈公同日殉節妻爲凌忠
介公孫女聞夫死以髮自
經墓在靈隱山五寺橋

丁藍叔以手摹冬心先生挂杖小景題詩寄贈次韻賦

謝

眼中畫人惟子賢寫冬心照筆如椽溯從癸丑詩鐫象一百

還餘廿七年

冬心詩集開雕於雍正癸丑歲有廣陵高翔寫四十七歲小象

廣陵當日高翔寫秀奪錢塘江上峯高觀疎穎韋帶客

用劉仲益

冬心象贊中語千秋書畫壓羣公

杖頭無錢疏酒尊風流文采至今存儻教摹入畫梅冊將與

暗香同返魂

家有冬心畫梅燈衣十六葉

炭費謠

天大雨雪臘向殘敝裘無溫難禦寒呼僮入市買獸炭三百
青蚨十觔換問僮炭費何因緣答云海滋騰烽煙舟運甬東
易官鈔熾炭洪鑪鑄銅礮百物價昂費不支炭其一耳他可
知冬烘頭腦烘不得買炭資微炭昂直三軍挾纊吾
皇仁島夷梗化行就馴檣檣淨掃如天福大地陽春回黍谷
香山昔歌賣炭翁吾歌此詩告采風

李光彝

字海純仁
和虞貢

杭郡詩三輯海純五經皆有著述歿後稿多散佚

讀周季侯傳

何物楊公大好死少年壯志乃如此初除邑令後御史臺諫
錚錚賊魄褫蛇兮虺兮將騰天千夫所指真凶姦是奴手滑
將戮汝何不忍語為寒蟬緹騎狺狺一夕來萬人號泣聲如
雷鍛賊益賊亦可矣不置之死恨不已嗚呼天日沈沈閉圓
土北鎮撫司猛如虎頌公冤者淚如雨朝廷乃逮周吏部

吳昌海

字菴浦號蘇
士海甯歲貢

杭郡詩三輯蘇士居新倉里能文善書與弟吉三友愛逾恆

秋草

匹馬嘶殘原上村一天淒絕送王孫美人豔骨餘香冢名士

文心臏宿根金粉儘銷荒後砌玉蔥猶認鬪時痕風光轉眼
逢寒食看取裙腰綠到門

吳懋芝

字秀三號晚香新城歲貢替晚香詩鈔四卷

朱義娥誄

并序

義娥者宛陵朱孝廉梅圃第四女也生而失乳就撫
於其戚仙氏因許字仙子孫柳女以小哥呼之道光
甲申春男女皆染痘女已愈而孫柳殤女不勝慟乃
自搯其痘痂血肉潰爛其姑慰之不聽遂絕粒二日
而亡梁虛舟中孚明府爲作傳徵詩余與梅圃交因
賦長篇以誄之

髫齡閨秀劇可憐舍生取義不永年初緣襁褓缺乳哺生於
朱氏育於仙仙家有子名孫柳卽訂朱女爲佳耦女喚仙郎

曰小哥翁稱阿父姑阿母阿母惜如掌上珍同懷撫養罔弗
均恩斯勤斯近十載相期長大將完媼郎性純良女德備誰
料翻招造物忌同染虜瘡李時珍云瘡名虜瘡郎獨殞女痛抓痂成齋
粉但知掩面淚紛流那管剝膚災切近乃姑勸令汝弗然歿
者已矣徒憂煎會當爲汝擇佳壻庶幾鍊石可補天女於斯
時慟欲絕未經出語氣先噎阿母胡爲出此言不諒兒心堅
似鐵朱仙門第頗不卑倫常大義安可虧兒生雖喪閨中耦
兒死仍堪地下隨從此連朝拌絕粒精魂直把郎追及去住
幾同其命禽後先遽化雙飛蝶吁嗟此女人間真罕儔莫嫌
福慧未全修徵詩亟合拈筠管矢志何庸賦柏舟

周樽元

字南伯號花農嘉善廩生著佛廩山館集

可作集花農文敏慧絕倫風神諧暢壯歲卽以詩名敦孝友工書善詞其駢體文尤有庾徐遺意所著寶甄室

詞稿已
刊行

李筍香光祿招集吾園

擘蟹搓橙興不孤
眼中襍穢一人無
桂香暗度貧簞谷
鐙影初描主客圖
四座豐貂談逸事
半生畫虎笑今吾
醉餘爛漫思題壁
賸有崢嶸酒膽麤

西湖

一波中抱萬煙鬟
塔影嵯峨夕照閒
畢竟西湖裝點好
蛾眉當面是青山

將歸魏塘與二如話別

時節重陽近
芳筵向夕開
客聯今舊雨
酒勸淺深盃
題扇墨痕淡
歸帆潮信催
臨行重說與
千里手書裁

朱昌豫

字孚山海鹽廩貢

緝雅堂詩話乎山詩體工豔如畫屏春夢淺苔
徑露痕深酒醒桃花落詩成明月來自自然韻致

柳綫

和煙帶雨畫橋邊弱柳絲絲綫影牽白下離情多繾綣紅闈
春思最纏綿添來未解縫征袖垂處常教繫客鞭遮莫千條
兼萬緒剪刀風緊薄寒天

張金鈞

原名萊柱字擊夫號寶夫平湖增生
官江蘇新陽典史善問梅軒詩鈔

家傳略擊夫幼工詞賦與弟炳堃齊名受知於郡守長
白瑞元有國士之目需次江蘇非其志也嘗一權新陽
典史禁絕陋規盡心職事人謂百
年來所未見不僅以仙尉稱之

擬王少伯同從弟銷南齋翫月憶山陰崔少府

捲簾獨延佇明月懸清空良友遠別離相思兩地中相思在
何許行蹤如轉蓬臨歧一為別何日重相逢夢中逢故人夢
醒聞秋蟲蟲聲何唧唧遙夜情無窮輾轉獨惆悵無由達寸

衷

過邵子雨丈村居

出郭廿餘里沿澗一棹通桑麻藏老屋門逕有清風茶話不

知久詩囊如此豐時讀近稟凍鴉拳樹杪歸路夕陽紅

放鶴亭

處士不可見高風餘此亭詩魂百年瘦鶴夢幾時醒樹樹峭

攢碧山山寒抱青欲成題壁句詩忠滿西冷

茹龍字天池歸安人著東谿集眠雲山人集

散穀行

天王自聖明鑒我東南燠若日此方人天災受反覆赤子不
得食飢痛在朕腹臨軒簡大臣疾馳走丹轂持節下吳興開
倉散積穀督吏造名冊量口給斗斛飢民如蟻陣紛紛投倉

屋有婦不得前低徊面目慙云夫好浪游舉目無伯叔連年
遭奇荒坐食罄冬蓄聞說布

皇恩許領天庾粟那知里胥貪索賄陰流毒温飽盡書名極
貧反不錄但見錦上花誰聽一家哭我欲訴長官長官無暇
鞫狼狽且還家飢腸空斷續不見里胥家列甕燒豚肉

王宗耀

字濬哲號荀石鄞貢
生著願學堂詩鈔

縣志宗耀少讀書以經史爲本性孝友伯兄宗淦官連
陽遊擊仲兄宗植官玉環參將並以老歸茗酒歡聚白
首無閒所居室卷册紛列几榻
皆滿著書數種惟詩集已梓行

渡海

我雖生長南海濱一生蹤迹未到海今年忽作翁山游飽看
蜃樓成五彩候潮挂席出蛟門扶桑日墮煙樹昏傍巖漁火
兩三點寒光倒射飛星奔陽侯避面海童伏但聞疊浪聲磨

吞枕中幻出遊仙夢醒來身在雲水村飛帆一往急於箭兩
眼脂遮腦昏眩暄風蕩翻潑面來噤不得聲顏色變東方白
盡紅雲生羣山一一露真面目瞰墜地掩寒鏡山壓衝波蹴
飛練驚心駭耳逐奔雷激翻地軸爭喧厯信誓且問愆何有
帆爲之決槓爲摧豈知所如縱一葦飛滂勢歇宿霧開碧城
紫府仙居近遠道之人胡不來地盡但見天宇空不數胸中
吞雲夢我意仍將乞海神歸權清風一帆送

王莽貨布

新莽起外戚季世當平哀威權挾太后居攝玩嬰孩九錫可
加漢可篡何止假託周官稱理財有客遺我一貨布道是地
皇天鳳年間鑄足枝八分首八分字畫年深無缺誤卯金有
忌頻改作真人應圖全不悟忽增五物及六名犯禁抵罪安

可訴一錢徒紛更中外已洵懼讀史笑其愚摩挲日幾度武帝昔製水衡錢輕重不異子母權莽雖身死物尙存且並五銖爭流傳恨不秉畀同燒宣室火安用留此銅臭遺萬年

時命詞

救之不引手下之復用石不然絕奔塵難窺駒過隙推之既在後輓之使居前不然將安歸有如箭離弦人生升沈不自主土偶桃梗相爾汝機巧百出莫喜嘆事過俱爲明眼人

魯杏秀

字毓林會稽廩貢官蘭谿訓導著復經精舍詩鈔

屠湘之曰君稟經酌雅文采爛然兼工書法郡守吳楙華先生易視僚屬獨才君引重上游保登薦牘

久雨初霽偕同人泛舟谿西

雨霽山色新波光動朝旭一葉欄杆船欵乃頻往復偕我同調人攜尊騁游矚宿霧收溪煙荒郊溼初綠脩竹个成陰蒼

翠紛可掬捲簾俯清流明鏡刮我目聯吟句欲仙遮面人如玉
桑落酒三杯鷓鴣天一曲放浪忘形骸品格參雅俗涼風
颯然來吹縐半江澱蓬窗漏夕陽暝色罩巖谷興盡酒亦醒
新茗煎初熟欲去還我留歸雲遲我速

沈光埏

字輝字會稽貢生候選訓導箸竹隱山房詩文鈔

家傳略公少工舉業以家貧去而讀律益務為經世有用之學咸豐開闢中會匪蔓延郡邑以書生參帷幄繕守備撫瘡痍不遺餘力詩文俱佳著有孫吳兵法直解脈理闢微游藝雜錄

見落花有感

豔說枝頭爛漫多韶光三月竟如梭文章已付長流水愁對
東風喚奈何

戊午春漳平縣作

多病多愁賸此身三千里又逐風塵未正酬酢遑求達慣得

奔波不療貧倦鳥誰教投瘴海歸鴻可許問鄉津征衣莫辨
痕新舊總爲思親漬淚頻

五國城

歎息窮荒乳酪腥宮車北去太零丁悲風冷落秋霏雪衰草
迷離夜隕星昏德公勞祈請使兒皇帝戀小朝廷空將往事
傷懷抱笳管哀音不忍聽

朱

彭

字雪巖縉雲
貢著憩雲齋集

恩

過故福昌寺有感

福昌寺在縣西北二十五里宋咸平
二年建國朝道光元年遷於河陽

中峯
山下

寂寞前朝寺已荒重尋舊迹感滄桑祇餘寶殿埋秋艸無復
山僧禮梵王一片蛙聲留暮鼓數閒禪院賸頽牆斜陽漸落
林梢去漠漠平蕪聽吐羊

遊正等寺

半日偷閒意趣長
滿簾花雨沁詩腸
雲陰忽被風吹散
回首
林梢挂夕陽

薰風扶我過籬東
數里桑麻處處同
松竹林高鐘磬動
隔園
知是梵王宮

兩浙輜軒續錄卷三十一